



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600011035G


27. 677.






600011035G

27. 677.















DE

Reichs 1817.

38.

IDEIS PLATONIS

LIBELLVS.

Χαλεπὰ τὰ καλὰ.

AVCTORE



HENRICO RICHTER

COLLEGA IV. SCHOLAE ST. THOMAE PROF. PHIL.

IN ACADEMIA LIPSIENSI.

LIPSIAE,

SVNTIBVS C. F. H. HARTMANNI.

MDCCCXXVII.

677.

philosophia Platonis illustranda elaboravere; quos quidem singulos hic nominare, quum sint inter omnes notissimi, nihil attinet.

Horum autem virorum studiis, quanquam multum ad Platonem rectius intelligendum est profectum, multa tamen etiam nunc neque accurate explicata, neque perspicue proposita supersunt. Inter quae, ut alia omit- tam, referenda est imprimis doctrina illa *de ideis*. Quam quum a Tennemannio et aliis perfectam paene ar- bitraremur, exstiterunt nuper viri docti, qui numero- rum commemoratione novam de ea dubitationem inie- cerunt²⁾. Quam ambiguitatem ut accurata de ideis dis- putatione tollam omnem, operaeque pretium facturus sim in explananda hac Platonicae disciplinae summa et quasi sede, fore, ne ego quidem admodum confido. Neque tamen aut rei obscuritas et gravitas aut ingenii mei tenuitas et imbecillitas me retinuerunt, quominus, quod alii imperfectum reliquissent, rursus afficerem, si perficere aut conferre saltem aliquid ad controversiam hanc componendam possem, tentaturus. Ac nihil quidem magis opto, quam ut viris Platonicae philoso- phiae intelligentibus si non satisfaciam, at utile opus suscepisse videar.

§. 2.

Aggredienti autem enarrare idearum doctrinam, duplex statim obiicitur difficultas, altera in librorum

2) BRANDIS de perditis Aristot. libris de Ideis et de Bono sive Philosophia, Bonn. 1823. TRENDLENBURG Platonis de ideis et nu- meris doctrina ex Aristotele illustrata. Lips. 1846.

Platonicorum indole posita, altera profecta ab usu idearum apud nostros homines. Quarum quidem haec removeri potest eo, ut Platonem legentes animum ab ideis a Kantio, Jacobio, Schellingio in scholas introductis plane avocemus, ac meminerimus, antiqua nos, neque nostrae sapientiae placita esse relicturos. Maior autem oritur ex natura librorum, ex quibus idearum doctrina repetenda est, ambiguitas. Certant enim philosophi, utrum in legendis philosophorum libris singula singulorum locorum verba urgeri oporteat, quo sensus efficiatur certus, an liceat, minus quidem singulorum verborum continuationi tribuendo sed summa tantum doctrinae collecta et cum singulis composita, scriptoris mentem assequi. Ac quid illa priori interpretatione in Platone effectum sit, videmus tum in Meinersii et aliorum inconstantia, tum in dissensione de substantia idearum. Altera quanti esset facienda, luculenter docuerunt Schellingii, Goerresii, aliorum de Platone iudicia; qui quidem Graecum in suam familiam adsciscere certatim studuerunt. Et vero quantopere in mythis Platonicis explicandis multi luserint, quum alii plurimum alii nihil iis esse tribuendum iudicarent, cum fastidio saepe experiri oportuit ³⁾. Quapropter sic arbitror in lectione

3) Varia de mythis Platonicis iudicia v. apud HÜTTNERUM in diss. de mythis Platonis. Lips. 1788. p. 6. 7. cf. SCHELLING Rel. u. Phil. p. 35. et Brunonem var. loc. Ast Plat. Leb. u. Schr. p. 106—109. 157—166. in quo loco mythum in Phaedone ab Indis usque repetit, et Brahmaisini et Platonisimi intimam coniunctionem videre sibi visus est. Quae quidem sapientia novitia nimia iam foecunditate et ubertate se ipsa paene enecuit. Sobrie, ut solet, SCHLIER-

horum librorum versandum esse, ut evitata umbraticorum hominum levitate, qui, quod animo ipsi finxerint, id tanquam orationis summam scriptoribus obtrudunt, et singula loca accurate explicantur et cum universae disciplinae vi et natura collata examinentur. Hac enim sola ratione vera et constans philosophi de unaquaque re sententia percipi posse videtur⁴).

§. 3.

Iam vero quum id maxime egerit Plato, ut, quod est semper et immutabile, quodque est rerum universitati tanquam fundamentum subiectum, id philosophando consequeretur⁵), rerumque essentiam⁶) ideis contineri doceret⁷); eum, qui harum naturam plane sit in-

MACHER in introductione universa (Versionis T. I. Vol. I.) de hac re sententiam dixit.

4) *De Platonis inconstantia longum est dicere.* Cic. N. D. I, 12. Et sane verissime hoc permulti alii post Ciceronem confirmarunt, qui, quantopere constantiam in eo perspicere non potuerint, libris suis de Platone conscriptis docuerunt. Quod ut excusarent, ad esotericæ disciplinae tenebras se receperunt, cuius commenti auctoritas quantopere viros doctos vexaverit, dudum constat. cf. TENNEMANN Syst. d. Pl. Ph. I, 114. 264. SCHLEIERMACHER l. l. p. 9—15.

5) Rep. V, 477. B. VI, 485. A. B. Soph. 254. A. TENNEMANN Syst. I, 233. 257.

6) *Essentiam* interpretatus sum *οὐσία* tum Seneca (ep. 58.) tum Quintiliano (Inst. rhet. III, 6. §. 23. VIII, 3. §. 33.) auctoribus. Nonnunquam tamen graecum *substantiae* vocabulo reddidi, quo tum vis et natura rei (Quinct. III, 6. 38.) tum realitas (quam nostri dicere consueverunt. Sen. l. l.) significatur.

7) Rep. VI, 511. Soph. 246. B. C. Phaed. 78. D. E. 79. D. 80. B. Tim. 28. A. C. 35. A. 51. D. 52. D. al.

in quo quomodo intelligentia et bonitas inesse possit, vix intelligitur, sed numen mente ac ratione totum rerum orbem complexum atque moderans. Cuius quodcunque est simillimum, id verae essentiae maxime est particeps¹⁰⁾.

§. 5.

Etenim non deus tantum vere esse docetur, sed etiam *res divinae*. Quae est altera vocabuli *esse* significatio¹¹⁾. Dicimus autem divinas res, quae proprie sunt, eas, quarum natura semper sibi constat, neque ulla mutatione corrumpitur¹²⁾. Ad quod genus referenda sunt omnia, quae rerum essentiam (*οὐσίαν*) sive substantiam continent¹³⁾. Quae si gignerentur, eadem et interirent aliquando, atque accessione aut abscissione facta si permutarentur, vere esse non possent. Iam vero corporis communionem et oculorum adspectum in eiusmodi res

10) HÖRSTELIN libellus: Plat. doctrina de deo. 1804. plane est inutilis, quippe qui praeter ea, quae in hoc genere in oculos incurrant, nihil contineat, et ne haec quidem docte composita.

11) τὸ θεῖον Phaedr. 246. E. 249. C. Phaed. 80. B. 84. A.

12) Soph. 248. A. Cratyl. 439. E. Politic. 269. D. τὸ κατὰ ταῦτα καὶ ὡσαύτως ἔχειν δεῖ καὶ ταῦτόν εἶναι τοῖς πάντων θειοτάτοις προσήκει μόνοις, σώματος δὲ φύσις οὐ ταύτης τῆς τάξεως. Phaed. 83. A. E. Tim. 35. A.

13) Animos ad res divinas referri, ut qui se ipsi semper moveant, et alia sua vi circumagant, neque praeter aeternitatis et constantiae naturam quidquam in se comprehendant, patet ex Phaedr. 245. E. Legg. X, 895. E. Alia praeterea divina esse, ex l. l. et ex Phaed. 65. E. 75. C. 76. D. Phileb. 53. C. Rep. VII, 526. E. colligitur, ubi οὐσίαι (essentiae) opponitur γένεσις, quam nescio an recte quamquam barbare existentiam dixeris.

cadere haud convenit¹⁴⁾. Quocirca et haec, quum corporis ac materiae sint expertia, ad mentis naturam accedunt, et ut summum numen sunt aeterna, neque ullia temporis aut spatii finibus concluduntur.

Ac videtur hoc quidem patere, *esse* quum eiusmodi rebus tribuatur, non dici de animis tantum, sed etiam de iis, quae omnino sint simplicia, sine forma, colore, corpore, quaeque non nostris contrectentur oculis et manibus, sed quae a sensuum iudicio remota ratione et intelligentia percipiantur¹⁵⁾. Qualem, ut infra probabitur, informavit idearum naturam. Neque vero, quam nostri ferunt rerum singularum substantiam sive subiectum, ad hanc essentiae notionem est adhibenda; nam quae vulgo perhibetur uniuscuiusque rei substantia, et cogitari nequit et est alienissima a philosophi nostri subtilitate. Immo esse quum essentiam interpretamur, non res ipsas sub sensus subiectas dicimus, quoniam harum nulla est neque constantia neque aeternitas. Namque, ut recte docuit Heraclitus (Theaet. 152. D. E. Cratyl. 402. A.), fluunt omnia nec constat quidquam. Sed esse illud est universum quiddam, ad omnes res aequabili ratione referendum, siquidem notionis suae, in qua inest stabilitas, communiōne res aeternitatem et constantiam nanciscuntur¹⁶⁾. Ac videtur haud alienum esse a proposito, locum hac de re gravissimum in Sophista

14) Phaedr. 247. C. Soph. 246. B. C. Rep. VI, 511. B. Tim. 27. E. 28. C.

15) Phaedr. 247. C. cf. Heindorf. Phaed. 65. C. 66. 67. C. Philob. 58. A. et Stallb. ad h. l. Rep. VI, 507. C.

16) cf. TENNEMANN Syst. II, 312. 313.

(248 — 260.) accuratius explanare. Disputaverant ibi hospes Eleates et Tiseacetus de antiquorum philosophorum in explicanda essentiae natura atque in dissolvendis difficultatibus, quibus non ens implicatur, irrito studio. Quae res quum omnibus male cessisset, hospes in eam denno inquit, refutatisque Aristippi opinionibus (246 — 248.) et Eleatarum¹⁷⁾ rationibus (248 — 249. D.), ponit notiones quinque essentiae (οὐσίαν), motus (κίνησις), quietis (στάσις), identitatis (ταυτόν) et diversitatis (διαφορά), easque sic inter sese copulat, ut ratione quadam communi contineri eas appareat. Est enim ens (τὸ ὄν) sive essentia non res vel natura neque universa, neque una aliqua, quam antiqui commenti essent, sed notarum, quae constanter rei cuiuslibet notione comprehenduntur, conjunctio. Ac quod suam quaeque habet naturam, aeternam illam et immutabilem, mentisque ratione conceptam, ideo est sive particeps fit essentiae. Eodem modo motionis essentia se habet; non quo omnia moveantur, sed quod suam motus habet vim ac naturam, semper sui similem. Nec alia reliquorum verborum est ratio. Unde consequitur hoc, esse (εἶναι) res, quotquot in suo sibi genere constant; non esse autem (μὴ εἶναι), si ab aliis natura differant, ut quies, si ad motum respicias, non est. Quapropter non entis natura non consistit in essentiae vel negatione vel absentia, sed inest in diversitate. Ut quaeque res ad aliquod genus, cui subest, refertur, ita iure essentiae

17) TIEDEMANNUS in Arg. dial. Plat. p. 60. nescio quo argumento ductus Pythagoreos perstringi putavit.

Verum enimvero eiusmodi res quum noster esse dicit, sequitur vulgarem de his opinionem et usum loquendi, quo, quod perceptione et experientia cognoscitur, perhibetur esse²¹⁾. Ipse tamen haec, quae sunt vel constant nunquam, sed fiunt perpetuo et mutantur, *γένεσις* communiter appellat (Rep. VII, 534. A.). Neque dissimilis est huius notionis vis, quum omnino, quae mente finguntur aut tanquam obiecta cogitantur, sive sint sive non sint, dicuntur entia. Sunt nimirum, quum animo obversantur, non sunt, si de substantia quaeritur. Talia nos entia logica dicere consuevimus²²⁾.

§. 8.

Iam vero haec si accommodate ad veram doctrinam Platonis a me sunt relata (quippe quum nihil aliud agam, nisi ut probus esse videar historicus), duo existunt rerum, quae sunt, genera.

Divinum alterum et sempiternum, quod, quia nunquam exstilit nec esse desinit, remotum est longe a temporis et spatii, quibus nihil est inconstantius, legibus. Quod neque ubi sit neque quando quaerere licet, sed viget aeterna sua maiestate. Quid? quod nostrae res ab illo deorum genere originem ac naturam nactae sunt. Sed in ea ipsa divina essentia intelligitur inesse duplex rerum natura, altera animata et per se vicens atque intelligens, altera animi simillima in veritate pura con-

21) Theaet. 152. D. et passim. Parmen. 127. E. 131. B. Sympos. 202. A. Phileb. 26. C. Tim. 27. E. 31. B.

22) Euthyphr. 11. A. Soph. 237. C. Rep. V, 477. C. Tim. 69. C. et al. loc. multis. TENNEMANN Syst. II, 291—296.

sistens, unde omnis ad res humanas essentia et veritas descendit. Est autem cum principe natura sic coniuncta, ut praeter eam esse non possit. Cuius quidem societatis rationis infra, quum de idearum substantia disceptabitur, fiet mentio.

Ab his quum longissime distet humanarum rerum fragilitas, revera hae non sunt (*μη ὄντα*), quoniam neque a se pendent, neque semper manent. Etenim quum ex rudi materia concreverint, causae huius vis et natura, legibus vix temperanda, etiam in effectis movere solet perturbationem. Legenda sunt loca Tim. 27. E. 28. B. 30. A. Politic. 269. D. E. Phileb. 24. A. — 25. D. et conferenda cum his subtilissima de uno disputatio in Parmen. 142. C. — 155. D., in qua quod unum dicit existens, alio plane sensu interpretatur, quam unum illud vere unum, cuius naturam p. 157. B. — 159. A. exponit. Hanc esse ideam nemo, qui Platonicarum rerum paulo sit intelligentior, negaverit. Contra unum illud, quod diversissima quaeque in se continet et opposita adeo, efficitur, si cum reliquis nostri praeceptis componatur, esse rerum humanarum universitatem sive mundum sub sensus cadentem. Quem vere unum esse et vere esse Eleatae ante Platonem haud sane doctissime contenderant. Ac fiet hoc quidem planum comparatione loci p. 160 — 163., quo loco docetur id, nostras res, etsi non sint, i. e. aliis aliae propter qualitatis diversitatem opponantur (cf. Soph. 257. B. — 258. C.), tamen essentiae esse participes et cognosci adeo posse perceptione (*αἰσθῆσαι*) et opinione (*δόξῃ* cf. Tim. 52. A.). Sic Parmenidis ea de re doctrina sub examen vocata

tacite emendatur²³). Nihilominus tamen eadem sunt; habent namque suam quaeque naturam notione constanter expressam. Ideo quum non sint, sunt tamen quodammodo. Quod idem de rebus menti ad contemplandum propositis valet²⁴).

§. 9.

Iam video fore, qui dicant, Platonem inter subtilissimos istos idealismi praeceptores numerari debere. Negare enim, esse res sensuum arbitrio commissas, abducere veritatem ipsam ab opinionibus ad mentis agitationem immo ad notionum communium exilitatem. Esse igitur praeter notionem nihil. Quod longe est secus. Tantum enim abest, ut tantam futilitatem admiserit, ut, quam Fichtii aliorumque sectatores sustulerunt rerum humanarum substantiam, certissime confirmaverit. Sunt enim res eiusmodi propterea, quod in essentiae verae societatem imitatione et communitate (μεθεξῆς) venerunt. Quapropter neque eadem ut Schellingius, neque similia adeo docuisse censendus est Plato. Et est

23) Quod tametsi SCHLEIERMACHERUS (p. 99.) fieri posse negaverit, nescio tamen, an veretundia, qua Parmenidem Plato prosecuebatur, ipse deceptus fuerit.

24) Τὸ μὴ ὄν apud Platonem significat et *nihil*, quod quia omnino non est, ne potest quidem cogitari. Parmen. 163. B. — 164. B. cll. Soph. 237. A. Theaet. 188. D. — 189. B. Soph. 260. D. cll. Parmen. 165. E. — 166. C. Rep. V, 477. A. 478. B., et *non est* siye diversum ab alio sed essentiae non expers. Parmen. 166. C. — 163. C. cll. 164. C. — 165. D. Soph. 257. B. ὅπου τὸ μὴ ὄν λέγομεν. οὐκ ἐναντίον τι λέγομεν τοῦ ὄντος ἀλλ' ἕτερον μόνον. 253. E. 259. A — D.

quidem facile, induere Platonis speciem, verborumque inusitatis comprehensionibus sermonis Platonici indolem simulando imitari. Ipsa tamen disciplinae natura et ratio longe abesse videtur tum a Jordani Bruni tum a Spinozae similitudine ²⁵⁾).

C A P V T II.

D E C O G N I T I O N E.

§. 10.

Absoluta de essentia rerum quaestione, iam de cognitione *τῆς οὐσίας* dicatur, necesse est. Ac pertinet quidem haec quaestio nihil ad deos, qui sunt omnis veritatis intelligentes. Quid enim eum, qui integram rerum naturam mente sua contineat, opus est, discendo fieri peritiorem? At vero humanum genus, a Poro et Penia procreatum, collocatumque divinae scientiae inexhaustam copiam inter atque humanae inscitiae egestatem indignam, suspiciens mente vera, neque tamen propter corporis umbras intelligens, nisi viam aliquam, qua ad veritatem rerum perveniat, invenerit, miserrimum esse oportet. Namque sumus veritatis amantissimi et ad inquirendam eam nati ²⁶⁾. Ac ne desiderium quidem ve-

25) Phaedr. 250. Phaed. 100. C. D. Tim. 4^c. E. — 53. C. SCHELLING Phil. u. Rel. p. 37. sq.

26) Phaedr. 217. 278. D. Sympos. 203. C. — 204. B. φιλόσοφος μεταξύ ποροῦ καὶ ἀμαθοῦς. Phileb. 58. C. D. Rep. V, 475. C.

ritatis in animo oriretur, nisi ipse et vere esset et veri aliquod saltem vestigium impressum haberet. Qui si omnis cognitionis radis ad contemplationem mundi accederet, brutorum instar vel stuperet vel horreret adeo. Offendit haec doctrina non solum Platonica sed communis etiam omnium humanitatis defensorum omni tempore eos, qui, quum parum magnifice de natura humana sentirent, ad bruta eam animalia detruserunt. Scilicet fabulas narrat, si quis a diis originem generis nostri repetit, vera docet is, qui a bestiarum immanitate profectum censet, quidquid in nobis est altum, augustum ac divinum ²⁷⁾.

Iam vero scientiae humanae originem ut perspicue possim explicare, praemittenda est expositio tum rectae cognitionis tum naturae animi. Siquidem fieri non potest, ut is verae essentiae cognitionem intelligat, qui animi, quo cuncta percipiuntur, et essentiae rationem ignoret.

§. 11.

Atque cognitionem (*ἐπιστήμην*) neque consistere in sola rerum per sensus perceptione (*αἰσθησει*), quam post Aristotelem Lockii discipuli ad taedium usque decantaverunt, neque in vera animi opinione (*δόξη*), quae est Kantii sententia, inesse, neque denique in recta rerum definitione (*ἀληθεὶ δόξη μετὰ λόγου*), egregie Plato in Theaeteto docuit. Quem librum si quis legerit, is ad aliud genus scientiam esse revocandam fateri cogetur ²⁸⁾.

27) Cf. mythum de hominibus in Protagora, 320. D. — 323. D.

28) Cic. Qu. Ac. IV, 46. *Plato omne iudicium veritatis, veri-*

Et hoc certe constat, non posse a sensibus repeti rerum simplicium et aeternarum, quae animi sint simillimae, cognitionem. Igitur in eo genere animus a sensibus est plane revocandus et ad suam ipsius naturam deducendus²⁹⁾. In qua natura duplex est ratio perveniendi ad verum; aut enim intuendo aeterna et divina recens hauriatur cognitio oportet, aut cogitando scientia rerum divinarum nobis innata explicanda est et illustranda. Quorum alterum, in quo nunc sumus constituti loco, videtur vix posse nobis contingere. Sumus enim in corporis carcere inclusi³⁰⁾, et remoti a vera rerum essentia, cuius est cognitio, videmus³¹⁾ simulacra et imagines veritatis et opinionum varietate huc et illuc ferimur³²⁾. Fieri igitur non potest, ut nisi quis veritatis speciem animo comprehensam iam teneat, possit aut verum indagare aut agnoscere inventum³³⁾. Et

tatis, veritatemque ipsam, abductam ab opinionibus et a sensibus, cogitationis ipsius et mentis esse voluit.

29) Phaed. 66. B. C. E. 79. C. D. Rep. V, 476 — 480. VI, 484. B. C. 508. D.

30) Cratyl. 400. C. Gorg. 493. A. et Findeisen ad h. l. Phaed. 62. B. et Wytenb. ad h. l. p. 139. ed. Lugd.

31) Rep. VII, 514 — 517. Similes sumus eorum, qui in loco subterraneo alligati umbras rerum post tergum praetervolantium cernunt. Qua similitudine Plato vulgarem hominum cognitionem egregie illustravit. Parmen. 134. C. Phaed. 75. A. 109 — 111. Politia. 269. D. Phileb. 29. B. C. Tim. 48. E. — 53. C.

32) Theaet. 156. C. — 157. C. 201. A — D.

33) Id quum per se patet, tum elenctica in Theaeteto disputatione effectum videmus. Neque desunt similia loca in Sophista, Politico, Republica.

vero nisi verae rerum essentiae cognitio esse potest nulla. Totā enim ad illud quod est, ut est, percipiendum niti debet³⁴). Hoc ut fiat, esse aliquid tale, quod semper

34) Cognitionem et scientiam Plato eandem esse iudicat; cognoscuntur enim tantum ea, quae vere sunt; ex quo veritatis notitia, quam scientiam dicit, efficitur. Hanc variis nominibus appellat, modo *γνώσις* Rep. V, 477. A. modo *ἐπιστήμη* ibid. B. 478. A. *ἐπιστήμη μὲν γὰρ τοῦ ἐπὶ τῷ ὄντι, τὸ δὲ γινῶναι ὡς ἔχει.* ell. VI, 508. D. modo *ἀλήθειαν* ibid. E. modo *σοφίαν* VI, 511. D. modo *ρόησιν* VII, 534. A. modo *γνώμην* V. 470. D. al. Rerum contra, quae sensibus percipiuntur, nulla est scientia sed opinio, *δόξα*. Phileb. 59. B. 61. E. Etenim imputatione (*ἀποθέσει*) concipiuntur, ex qua *δόξα ἀληθείας* quidem oriri potest sed scientia nulla. Phileb. 59. A. Tim. 27. E. 28. B. 51. D. Quapropter saepissime cognosci posse negantur (*ἄγνωστόν ἐστι* Parmen. 142. B. Phileb. 59. A.), quod ne sunt quidem sed sunt perpetuo (*γένεσις* Rep. VII, 534. A.). Eiusmodi opinio tum *πλοῦτος* tum *εἰσκατά* vocatur Rep. VI, 511. E. — Hanc inter utramque ponitur *mathematicorum scientia* (*διόρου* Rep. VI, 511. D.), quae quantum distat a vera rerum aeternarum scientia, tantum rerum humanarum opinionem superat et figurarum numerorumque suorum constantia et contemplatione, quae omnis mente conficitur. Est enim numerorum genus, ad quod mathematica omnia tunc referri solebant, et a corporeis et ab individuis rebus aequè disiunctum et inter idearum simplicitatem et corporum turbam quasi medium interiectum, quemadmodum inter notionum formas et corpora singula specierum natura cernitur. Phileb. 18. C. Tim. 53. B. Cui disciplinae quantum Plato tribuerit, perspicitur ex Politico, 285. A. al. Rep. VI, 510. D. E. VII, 526. C. — 531. D. 533. C. 534. D. Atque ex iis, quae in Theaeteto significantur magis quam explicantur (cf. Schleierm. notam ad p. 200. C.), constat, eam numerorum scientiam non ad cognitionem veritatis sed ad opinionis genus revocare. Y. TANNEMANN Syst. I, 270. II, 138. 141. 295. Ac nescio, an verior sit in Phaedr. 248. E. lectio *ἰσθόμη γεωμετρικὴς ἢ δαμουργικὴς* apud Heindorf, quam altera *δαμουργικὴς ἢ γεωργικὴς*, probata illa quidem Ficino, Schleierm. et editoribus novissimis, sed, ut opinor, pau-

maneat idem, ponendum; namque omnia si mota feruntur, quomodo existere potest non dicam cognitio sed adeo perceptio? ³⁵⁾). Itaque relinquitur, ut cognitio sit essentiae, quae vere est et semper manet eadem, scientia ³⁶⁾).

lulum insolentior in eo loco, quo de variis scientiis gradibus disputans a summae sapientiae ubertate descendit per gradus ad infimae ignorantiae tarpitadinem, quam tyrannis attribuit. In quo genere nescio quid admirabile habet haec sententiarum continuatio: princeps dignitate scientiae est philosophus, secundus ab illo rex aut imperator, tertius vir rerum et publicarum et privatarum peritus, quartus medicus, quintus vates, sextus poeta vel imitator quivis, septimus artifex vel agricola, octavus sophista, tyrannus ultimus. Expectabatur praesertim quum de mathematicis haud magnifice statueret, huius, qui vitae communis munera haud sane nimia doctrina administrat, commemoratio. Sed haec obicit, quae diligentiori disputatione non inligae. Verum enimvero difficillim est tota haec quaestio, si Aristotelis Met. I, 6. XIV, 3. al. respexeris, quam ut in hac libelli mei brevitate confici possit. Hoc unum monuisse satia sit, tantum, quantum Academicis, Aristoteli et Alexandriae visum est, Platonem numeris non tribuisse et ne potuisse quidem. Quod enim ex scholis vel δόγματι ἀρχαίοις argumentum repeti solet, id quantum habeat auctoritatis ad rationem philosophiae vere Platonicae, qualem in scriptis invenimus, perspicendam, inter omnes eius rei iustos existimatores dudum constat. Et vero quanteopere post Platonem ipsa eius doctrina immutata sit, neminem fugit. V. BRANDIS I, I. p. 25. 32. sq.

35) Theaet. 179. E. — 183. C. Soph. 248. A. Cratyl. 43. E. Phaed. 79. C. D. Phileb. 61. E. Haec Cicero more suo sic: *Sensus omnes hebetes et tardos esse arbitrabantur, nec percipere ullo modo res eas, quae subiectae sensibus viderentur; quae essent aut ita parvae, ut sub sensum cadere non possent, aut ita mobiles et concitatas, ut nihil unquam unum esset constans, ne idem quidem, quia continenter laberentur et fluere omnia.* Qu. Ac. I, 8.

36) Theaet. 185. C. — 186. C. οὐδὲν γὰρ οὐκ ἔχοντες τυχεῖν, ὅ μὴ δὲ οὐδίας; Phileb. 54. A. τὴν περὶ τὸ ὄν καὶ τὸ κατὰ ταῦτόν ἀπὸ πρὸς

Hoc rerum genus apud nos non reperiri, quum dubium non sit, quaerendum est penes deum in loco coelesti, ubi nullus est rerum interitus³⁷⁾.

§. 12.

At eae res ipsae quales sunt? Num licet mundum concipere aeternum praeter hunc, quem sensu usarpamus, in quo sint nostris rebus omnes et splendidiore et constantiores; ceterum cuius sit eadem natura, eadem motus et conversio eadem ut nostri? Qualem quidem in carminibus solent et poetae fingere et mente permoti per quietem adspicere³⁸⁾. An id quidem minus recte fit, et cogitandus est ille verus mundus et aeterna universitas non per se esse praeter illud, quod omnium rerum essentiam in se continet, numen, quandoquidem aeterna rerum essentia et veritas non est nisi in notione et ima-

πὸς πάντως ἔγωγε οἶμαι ἡγεῖσθαι ξόμπαντας — μακρῇ ἀληθεστάτην εἶναι γινώσκον.

37) Mythice hoc et dialectice exposuit. Phaedr. 247. C. commemorat τόπον ὑπερουράνιον i. e. extra coeli, quod cernimus nos, orbem. Praeter hoc coelum quum corporatum esse possit nihil, relinquitur, esse res illas animatas et simplices. Similiter Phaed. 80. D. E. Veruntamen haec, quae poetice descripta sunt, tantum in universum accipienda, neque verba putide premenda. Magis enim perspicue τόπον νοητόν (Rep. VI, 508. B.) divinarum rerum universitatem dixit. Cf. Empedocl. ed. Sturz p. 257. sq.

38) Mytho in Phaed. 109. A. — 111. B. possit quis in hanc opinionem impelli (TIEDEMANN. arg. p. 36. 508.), quam Neoplatonicorum natio certatim exornavit. TENNEMANN. Gesch. d. Phil. V, 257. VI, 128. sq. et al. loc. passim. CREUZER ad Plotin. de pulcritudine, p. XCV.

gine animo concepta? Quarum sententiarum prior poetis et poetarum imitatoribus est relinquenda, ut quae tum sibi ipsi tum verae numinis notioni repugnet, suscipienda altera et deo et rerum naturae convenientissima. Nam mundus, quem tanquam imaginem, ad quam haec natura rerum expressa sit, cogitamus, non est nisi mundi et rerum mundanarum notio et imago, mente divina concepta. Qui si harum rerum imagines (*ὑποκείμενα* vocare solent) continere dicitur, non est hoc ita cogitandum, tanquam si singularum rerum imagines simulacris (*ἀγάλμασι*) effectas complectatur, ut singulis rebus humanis quasi individua coelestia sive exemplaria respondeant, id quod ne cogitari quidem potest³⁹); sed *stant communes et universae singularum rerum notiones* in intellectu divino, quas recte *generum imaginis* (*ἰδέας, εἰδή*) dixeris⁴⁰). Quae praeter mentem di-

39) Qui fuit Plessingii error (*Vers. 2. Aufl. d. Phil. d. Alterth.* I, 331 — 333. et eiusdem comment. de ideis Platonis in *Caesaris mem. phil.* III, 110.). Cf. Parmen. 133 — 135. C. quo loco, si quid video, refelluntur argumenta eorum, qui ideas praeter communem notionem esse per se tanquam res posuissent. Quodsi enim idea quaelibet est per se neque in mente nostra, ne cognosci quidem potest (133. B.), quoniam idearum natura cum hac nostra commune nihil habet. Nec tamen propterea idearum doctrina est repudianda; nam sine constante et perenni rerum essentia, quae in ideis sive generibus inest, scientia est nulla (135. B.). Veruntamen a rerum existentium substantia revocanda est ad notionum genera, quae mente continentur. Id quod deinde Parmenides ipse exemplo illustrat (135. D. E.)

40) Imagines non notiones, quae abstrahendo colligi vulgo dicuntur, sunt *ἰδέαι* s. *εἰδή*. Utrumque enim vocabulum quum a videndo sit deductum, *speciem* sive *exemplar* significat. Phaed. 109. B.

vinam sunt nullae⁴¹⁾. Non sunt tamen haec abstractae notionem ex singulis rerum notis collectae, quarum exilitas et emortua paene vis parum ad divinae sapientiae perfectionem est accommodata, sed essentiae imagines et formae, quas augurando nos suspicimus quidem, sed perspicue vix intellexerimus.

§. 13.

Ad eam notitiam ut nos homines perveniamus, quo rerum, quae sunt, essentiam vere cognoscamus, indaganda est via et ratio. Sensuum auxilio uti non possumus, quoniam in rebus, quibus circumdati vivimus, aut nulla est essentia aut oculorum aciem saltem effugit. Mentis agitatione id consequi velle, nisi ante veritate imbuta fuerit, absurdum est. Opinio enim non scientia ex sola cogitatione existit. Alia igitur quaerenda est ratio. Atqui manifestatione aliqua veritatis divinae opus est, atque ad veri societatem communione

esse circa terram multas cavernas *παροδὸν τὰς ἰδέας*, varia specie. Phaedr. 250. A. *σώματος ἰδέα* (*θεοειδής*). Parmen. 132. A. *πῶς ἰδέα* una quasi species totum genus complexa, ubi v. Heind. et Schleierm. p. 410. Tim. 40. A. — Phaed. 76. C. *ἐν ἀνθρώπου εἶδει* Schleierm. in *menschlicher Gestalt* interpretatus est. cf. Xen. Mem. III, 10, 7. 8. Ac videtur mihi quidem Plato in hoc vocabuli usu sic sibi constare, ut ab eo nunquam plane discederet, sed retineret semper *unitatis speciem* in iis generibus, quae vel *ἰδέας* vel *εἶδη* dixisset. Sed de his plura infra. Unum hoc ex Seneca (ep. 59.) addam: *idea est eorum, quae natura fiunt, exemplar aeternum.*

41) Contra statuerunt plurimi ab antiquissimis inde temporibus. Cf. Aristot. Met. VI, 13. 14. SCHULZE de ideis Platon. p. 10—13. TIEDEMANN arg. p. 307. 308. Sed v. Parmen. 132. B.

accedere debemus, si tamen aliqua futura sit eius scientia⁴²⁾. Necessaria est, ut breviter complectar, intuitio, ex qua omnis ad animum perlabitur scientia. Iam vero, quae in mente divina sunt, quomodo quis potest intuari et percipere, nisi aut sit particeps divinae naturae aut eius similis. Par enim pari cognoscitur⁴³⁾. Ex quo concludendo efficitur hoc, quod unum relinquatur, esse animos hominum a divino genere divinaeque scientia imbutos⁴⁴⁾. Fuisse igitur, ante quam in hunc carcerem demitterentur, perennes. Olim imbibisse apud deos veram rerum cognitionem et excepiisse rerum formas, in quibus absoluta veritas inesset, universas⁴⁵⁾.

42) Phaedr. 247. D. E. 249. E. *πάντα ἀνθρώπων ψυχὴ φύσει τεθείσται τὰ δόξα*. Sympos. 211. A. Quibus mythis si quis fidem negaverit, veriora hunc dicturum esse alia, vix credibile est.

43) Rep. VI, 509. A.

44) Rep. X, 611. E. *ὑγγιανὲς οὖσα (ψυχὴ) τῷ τε θεῷ καὶ ἀθανάτῳ καὶ τῷ διδόντι*. Sicuti autem per totum mundum quasi intenta est animi intelligentis vis, qua omnia sunt ordine et lege (Polit. 274. A. D. Phaedr. 246. C. Phileb. 29. C. 30. B. C.), neque potest quidquam sine scientia cognosci, quae nisi in animis nusquam insidet; sic humanus animus, quum intelligat aeterna et simplicia et sit ipse eorum similis simplicitate et aeternitate, necesse est, a simili ortum habeat et sit a natura dei sempiterna profectus (Phaedr. 245. E. sq. Heind. ad h. l. Tim. 30. B. 34. B. — 36. 37. A — C. 47. B. C. Phaed. 76. C. E. *ἡσαν ἅρα αἱ ψυχὰς π. πρότερον πρὶν εἶναι ἐν ἀνθρώπων εἶδει χωρὶς σωματίων καὶ φθορῆς ἐχόν*). Quae sententia Platonis nescio an veritate sua omnem commentorum nostri temporis turbam superet.

45) Hoc ad scientiae genus universum pertinere, ex disciplina Platonica constat. Nam dei ipsius, quum bonus boni idea se manifestaret, et ceterarum rerum per ideas noscendarum notitia olim ad nos pervenit. Quam, quod ex divino genere sumus, nec generati unquam

Quas allatas huc reminisci tum, quum, quae alt illas expressae essent corporum species, sub sensus caderent, et similitudine licet imperfecta pristinae perfectionis et pulchritudinis animum commonefacerent⁴⁶⁾. Disce igitur hic novi nihil; cerni quidem sensibusque percipi multa sed cursim, leviter et quasi ebrie⁴⁷⁾. Divinitus tantum arrepta in mentem posse revocari et illustrari arte dialectica⁴⁸⁾. Hoc est idearum beneficium. His constans

nec interituri, oblivisci non possumus. Sui enim quomodo quis obliviscatur?

46) Non sunt quidem apud nos (*παρ ἡμῶν*) nisi levissima et paene obscurata (Phaed. 74. E.) rerum divinarum vestigia et quasi lumina, sed vel his mens ac ratio, imbuta formis rerum absolutis et essentia, ad rerum, quae sunt, memoriam excitatur; quod *discere* appellamus. Nam corporis alienigenae natura perturbati, quum primum hanc speciem indueremus, earum obliti eramus aliquantisper (Tim. 43. 44.). Cf. Phaedr. 249. C. 250. A. Phaed. 72. E. 75. E. Wytenbach, ad h. l. p. 184. Men. 81. B. sq. 97. E — 99. A. Ceterum, quae in Menone de recordatione et pari *ῥηθῆς δόξης* et *ἐπιστήμης* ad virtutem communem utilitate dicuntur, primo aspectu non admodum Platonica videntur. Veruntamen de virtute non in universum disputat, sed de *civili virtute*, cuius rationem Meno a Socrate explanari voluerat. Hanc autem vel sine cognitione veri rectae opinionis auxilio coli posse, eiusque parem atque illius in communi vitae commercio esse usum, quum omnino tum hoc maxime dialogo docetur. Quamobrem, quid Astium ad iudicium illud severum de hoc dialogo ferendum impulerit, non video. V. Ast. I. l. p. 394—408. Potest enim, si quis alius, hic praecipue Platoni vindicari.

47) Phaed. 79. C. D. Phileb. 39. A.

48) Artis dialecticae in scientia illustranda summus est usus (Parmen. 135. C. D.); pertinet enim tam ad res sempiternas sive ideas, quam ad sensuum cognitionem, quum singula a se discernat, colligat universa et sic errore remoto admoneat nos veras rerum na-

rerum natura cognoscitur. Ut enim quisque maxime arte discernendi singula et colligendi universa ingenium subegerit, ita acutissime essentiam et veritatem viderit, et nanciscetur scientiam. At vero, qui his neglectis vitae prudentiam paraturus, ad cognoscendam rerum naturam accesserit, is profecto opinione et errore pro sapientia utetur⁴⁹).

Pervenit igitur vera rerum cognitio a deo et essentiae et scientiae auctore ad animum humanum, divino genere ortum, idearum munere, quarum hausimus notitiam tum, quum apud ipsum deum vitam degeremus

turae in animis insidentis (Phaedr. 249. B. Rep. VII, 534. B. C.). Est igitur haec ars quasi mater et nutrix scientiae non solum logicae nostrorum arbitrati verum etiam metaphysicae (Rep. I. I.), quae, tametsi nova et inaudita parere nequeat, tamen, quum omnis scientiae copia cum animo olim sit communicata, obrutam veluti memoriam veritatis inquirendo et disputando eruit et illustrat, ut res aeternas quasi oculis conspiciere videamur (Phaed. 83. A. B.). Neque tamen illud *ὁ ρᾶν αὐτῇ τῇ ψυχῇ* est aliud quam intelligere cogitando (*νοεῖν*). Nam ab intuitione rerum divinarum, quam inter nos commenti sunt *πυρρί* quidam philosophi, Plato non minus abhorret quam Jacobius noster falso hoc nomine accusatus. Cf. Phaed. 84. A. Rep. VI, 507. C. 509. D. 510. E. sq. VII, 533. A. Phileb. 58. A. TENNEMANN Syst. II, 49. not 72. Neque cernuntur ideae, quod excursu de abstractis rer. nott. docere conatur vir quidam doctus in Buttmanni ed. Men. III, p. 74—76. Est igitur *ἡ τοῦ διαλέγεσθαι δύναμις* tota in disputatione, et cogitatio omnis sermone vel tacito secum vel communicato inter plures absolvitur (Theaet. 189. E. Soph. 264. A.). Id quod verborum, quae nihil sunt nisi signa rerum (Cratyl. 433. D. — 440. D. Phaedr. 278. A. B.), ministerio contingit.

49) Soph. 267. ad fin. Politic. 300. E. et passim. Men. 97. A. — A. Sympos. 202. A.

divinam. Quo fit, ut sola cogitatione, nullo sensuum auxilio, quae olim viderimus, nunc repetamus eoque veram scientiam procul ab opinionum commentis remotam habeamus.

CAPUT III.

D E I D E I S.

§. 14.

Iam aliquoties, quum viam atque aditum ad hanc ipsam quaestionem de idearum vi ac natura patefacerem, in earum mentionem incidi. Quod quamvis minus recte a me factum esse videretur, non potuit tamen non fieri, quum disciplina nostri ab ideis profecta in idearum vi et potestate consistat, et desinat eadem in ideas. Ac proposui apud animum, rem tractare sic, ut primum definirem, quomodo Plato ideam interpretatus sit; deinde dicerem de idearum varietate et mutua inter ipsas necessitudine, denique idearum et rerum humanarum rationem explicarem; quibus partibus tota quaestio absolvi posse videtur.

Ac primum quidem vocis *idéa* origo a verbo *ιδεῖν* repetenda est. Quod quum supra (p. 21.) confirmaverim, non est quod nunc uberius persequar. Commemoranda potius est potestatis *speciei* varietas ac difficultas. Etenim ab ea notione quum reliquae vocabuli significationes longissime recedere viderentur, fuerunt, qui Platonem in eius verbi usu sibi non constitisse cen-

serent. Quod ne committeret, prohibuit eum religiosa verborum existimatio. Ac videor mihi posse docere, potestatem vocis *ἰδέα* quamquam variam ad idem *speciei* genus revocari. Species rei sub oculorum adspectum cadentis est una et integra, atque totam rem imagine concludit. Quod quia non solum oculis contingit, ut rem tanquam unam adspiciant, sed est et mentis proprium, ut acie sua unum semper anquirat et videat, id aptem pro natura eius adspectabile nihil habeat, sed sit ex rerum singularum contemplatione in unum intellectus vi collectum et compositum, ideoque *unitas* intelligibilis; hinc est factum, ut unitatis huius species haud insolenti translatione etiam ad mentis agitationem accommodaretur. Namque unitas rerum mente effecta et ipsa habet speciem (*ἰδέαν*), quippe quum imaginum vis in animo insidens ad cogitandum nunquam non adhibeatur. Est autem haec ipsa unitas communium inter plures res notarum; in quibus notis quoniam inest constans rerum notatio earum naturae conveniens, significat certam ac perennem rerum naturam. Haec sibi constat semper, et est propterea sempiterna rerum essentia. Dici igitur oportet hanc unitatem non unius rei sed plurium; quae similitudine sua ad unam quasi familiam pertinent, communem unitatem (*τὸ κοινόν*). Quae cum ita sint, suo iure, si quid video, Plato *ἰδέαν* ad cogitatam unitatem transferens dixit speciem rerum ad idem genus relatarum communem. Unde duplex enata est *ιδέας* significatio, altera *generis* sive *notionis communis* (*γένους*), qua et singula in unum colliguntur, et rerum species non totam notionis

universitatem continentes (formas appellat Cicero) genere comprehenduntur, altera *naturae sempiternae* sive *essentialis*, quoniam generis notione, qualis sit et debeat esse unaquaeque res, simul perspicitur. Ad hanc proxime accedit ea vis vocabuli *ἰδέα*, quum significat rem aliquam, quae certam habet naturam ⁵⁰⁾.

Habemus ergo duplicem *ideae* significationem, alteram *speciei unius rei*, quae cernitur, sive *imaginis*, alteram *speciei*, quae *mente intelligendo perspicitur*. Cui subiectae sunt duae formae et *generis* sive *notionis communis* et *essentialis* sive *naturae*. Verum enimvero qui in ultimis his speciebus vel imaginis notam ex animo plane dimiserit, eum Platoniarum idearum vim et rationem penitus intellecturum esse vix crediderim. Saepissime enim *ideae formae* rerum efficiendarum esse docentur, quae nisi essent species, quomodo *παράδειγμα* et *ἀρχέτυπα* eas habere potuit philosophus?

§. 15.

Hunc loquendi usum in omnibus libris Platonis constanter servari persequendo singula loca docere, longum foret et inutile. Confirmabitur, nisi fallor, sententia mea quum omni orationis perpetuitate tum his etiam, quae de similibus vocabulis nonnullis dicturus sum.

In his simillimum ac paene idem et natura et usu est *εἶδος*, quod et ipsum significat speciem aliquam. Constanter autem a Platone pro notione *generis* usur-

50) Tim. 49. C. 70. C. 71. A.

patur, et coniungitur cum voc. *ιδέα* saepe sic, ut ab eo vix distingui posse videatur ⁵¹⁾. At videtur tantum. Nam, quum omnino a philosophis tum etiam a Platone genus rerum sive notio universa *εἶδος* dici consuevit. Veruntamen est apud nostrum haec inter utrumque vocabulum differentia, ut, quum *εἶδος* notionem universam significet, *ιδέα* praeterea imaginis notam in se contineat; quapropter *ιδέα* cum *εἶδος* ubique potest permutari ⁵²⁾, quod notio est communis, quae eadem formam rerum complectitur, *εἶδος* autem cum *ιδέα* non nisi tum, quam in ideis tantum ad genus rerum respicitur. Ut in Parmenide 129. A. *εἶδος τι ὁμοιότητος* est genus aliquod similitudinis non idea; id quod ibidem (C.) confirmatur addita voce *γένος*. Ac dicit Socrates, non mirum sibi videri, rem aliquam unum esse et multa, et sibi contraria comprehendere, quod particeps esset unitatis, similitudinis et aliorum. Sed hoc ipsum unum et notiones generales talia pati oportere, idemque generibus mente cogitatis, quod rebus sub adspectum cadentibus, accidere, si quis ostendiasset; id esse admiraturum (129. E.). Similiter quod deinceps dicit Parmenides, ad genera referendum (130. B.), num essent

51) Parmen. plur. loc. Soph. 219. A. 254. C. Rep. VI, 510. B. 511. A. B. Euthyphr. 6. D., ad quem locum Fischerus haec verba Diog. Laert. III, 63, adscripsit: *πολλίους δὲ καὶ διαφέρουσιν ὀνόμασιν ἐπὶ τοῦ αὐτοῦ σημαινομένου χρῆται. Τὴν οὖν ἰδέαν καὶ εἶδος ὀνομάζει καὶ γένος καὶ παράδειγμα καὶ ἀρχὴν καὶ αἰτίον*. Quod in Diogene quidem ferri potuit, in Platone minime. Phaedr. 265. E. Tim. 50. E.

52) ut in Tim. 39. E. *ιδέας ἐνοῦσαι τῷ ὅ ἔστι ζῶον*.

per se et seiuncta a rebus subiectis singulis. Ubi quum in difficultates se impedivisset Socrates, sic ille pergit: propter hoc sumere videris, unamquamque notionem (*εἶδος*) per se esse unum. Quum multa tibi magna videntur, una fortasse haec tibi ad omnia respicienti videtur species (*μία τις ἰδέα*), propter quam magna illa unum aliquid esse ducis (132. A.). Ex quo et ex iis, quae sequuntur (132. C. D. 133. C. 134. C. 135. A. B.), apparet, accuratissime inter notiones et species distinguui, ut hae praeter notionis vim constanter speciei sive imaginis notam complectantur, illae non sint intelligendae nisi ipsa notionum genera. Neque summa tantum genera *εἶδη*, sed etiam his subiectae notiones minuta late patentes, quas nunc species plerumque dicimus. In Timaeo (53. B.) deus traditur generibus (*εἰδέσι*) et numeris (*ἀριθμοῖς*) materiam finxisse, i. e. infinitam materiae molem distinxisse in genera, quae quum singula corpora continerent, numero; quod esset eorum munus, finirentur⁵³). Usurpatur autem hoc vocabulum saepissime in rebus humanis, quarum summa est et multitudo et varietas. Quocirca in tanta utriusque vocabuli similitudine cavendum est tamen, ne *εἶδη* et *ιδέας* confundamus. Id quod factum videmus a Platonis, qui quum Pythagorae numeros cum doctrina idearum conciliare studerent, et genera numerosque a praeceptore coniunctos vidissent, negligerent autem discrimen generum et idearum, praeter indolem verae

53) Cf. Phileb. 18. C. Parmen. 149. E. Phaedr. 249. B. Rép. VI, 510. D. VII, 532. E. X, 5, 6. Et pluribus locis Theaet. et Soph.

disciplinae domesticae numeros appellarunt genera ideasque, et inepta multa inde deduxerunt. Quod idem Aristoteli ἀγένητος οὐκ ὄντως sequenti accidisse est verisimile.⁵⁴⁾

§. 16.

Praeterea considerandum vocabulum γένος, cuius eodem generis est potestas. Copulatur et hoc cum ἰδέα et εἶδος, ut in Parmen. 129. C. γένη καὶ εἶδη Tim. 50. E. 57. D. Sed longe dissimili ratione. Interpretandum enim in omnibus locis genus sive familia aliqua rerum notione concepta, ut in Soph. 217. A. 248. D. E. Cui quae subiectae sunt formae, appellantur μίση, Phil. 12. E. Igitur cum γένος permutari nequit ἰδέα.

Neque magis cum voc. δύναμις, quo significatur tum vis, qua fit aliquid (Rep. V, 477. C. D.), tum vis ac natura rei cuiusdam, qua est sic ut sibi convenit (Rep. VI, 508. A. Tim. 45. E. 60. A.). Quod ubi coniunctum legitur cum ἰδέα ut in Tim. 28. A. Rep. I. I., hanc accipi debere essentiam, non est quod multis doceam. Id meminisse opus est, notionis semper sibi constantis specie naturam et essentiam rerum significari, ideam ergo rei eandemque esse rei naturam ut in Phaedr. 246. A.

54) Cf. Brandis. I. I. p. 28—48. Etenim Aristotelis in referendis aliorum placitis haud summam esse religionem, libris eius diligentius excussis confirmatum iri probabile est. Vide, quae SCHLEIERMACHERUS in Heraclito (p. 469.) in eum dixit,

Proxime autem ad ideas vim accedere voc. *οὐσία*, ex iis, quas ante dixi, patet. Utrumque enim essentiae signum. Quo pertinet locus in Parmen. 135. B, ubi *γένος* et *οὐσία* ut genus et natura rerum constans componuntur⁵⁵).

Illud autem ab Aristotele dictum (Met. I, 6. p. 16. Sylb.), ideas easdem esse et numeros, tantum abest, ut locis librorum Platonis idoneis defendi possit, ut prorsus negari debeat. Nam quod refert de materia idearum, exstitisse eas ex magno et parvo tanquam ex elementis (*στοιχείοις*), formamque (*οὐσίαν*) earum esse unum (*τὸ ἓν*), et propterea, quod ipsius unitatis essent participes (*κατὰ μέθεξιν τοῦ ἑνός*), ideas esse numeros (*τὰ εἶδη εἶναι τοὺς ἀριθμούς*), id propter ambiguitatem vocis *οὐσία* vereor, ut Platonice dixerit. Etenim formam rerum Plato an usquam *οὐσίαν* appellaverit, affirmare non ausim. Aristoteles quidem hoc sensu intelligit, ut Met. VII, 3. p. 106. Quod quum etiam hoc loco admiserit, speciosam Platonicae et Pythagoricae disciplinae concentionem effecit. Ac Plato quidem, ideas complecti rerum *οὐσίαν* sive essentiam perennem, docuit, numeros Pythagoras. Iam ille ideas rerum principia constituit, alter numerós. Atqui unum est essentia (*τὸ ἐν οὐσία ἐστὶ*), quod vel sic, ut unum verè ens sit, vel ut unum forma dicatur, accipi potest. Igitur, quod idea et numerus pariter et unum et *οὐσία* sunt, propterea cum Pythagora Plato consentiens re

55) De usu voc. *οὐσία* apud nostrum v. Heindorf. ad Phaed. p. 41. ad Theaet. p. 436. Wytttenbach. ad Phaed. p. 245.

verbis dissentit. Qui quidem consensus qualis sit, facile perspicitur. Nimirum suo more Aristoteles verba aliena interpretatus vocum non rerum concinnitatem invenit. Sed redeundum erit infra ad hunc locum, cuius ratio, postquam idearum naturam explanavero, facilius intelligetur.

Quodsi id quidem verum est, ut idea intelligi debeat forma rerum universa, in qua sempiterna earum essentia et natura apparet, falsi esse deprehenduntur ii, qui praeter notiones universas ideas esse aliquid negarunt. A quibus notionibus constanter discerni ideas nemo quisquam, qui legerit libros Platonicos diligenter, infitias ibit ⁵⁶).

§. 17.

At vero qualis est harum idearum natura? Hanc recte ex mente nostri explicuisse plurimum necesse est referat eius, qui et rationes earum plane sit intellecturus et doctrinam Platoniam a criminibus in eam coniectis defensurus. Iam vero id primum coeat, esse earum naturam, quum inter ea, quae mente percipiuntur, referantur, *simplicem*. Quamobrem appellatur τὸ μὀνοειδὲς, μὀνογενὲς, ἀσύνθετον, ἀμετάθετον, ἀσυνείκητον et aliis pluribus nominibus, quibus quidam separatur a materia, significari solet. Et vero quum mater-

56) V. SCHLICKEN I. I. p. 11. MONTANUS ad Aristotelem p. 11. p. 661. 662. MEINERUS. Hist. Lit. apud Grotium et Jann. I. 1. NEMANN. Syst. II. 206. 118. et qui vult perire per se ipsum. eius in disp. de ideis Plat. p. 12. 5.

riae sit plane expers et a generatione et compositione remotissimum, id simplex (*ἀπλοῦν*) esse oportet. Ne potest fieri, ut mentis conceptui et materiae aliquid sit commune. Tametsi vero hoc ita est, tamen simplex haud intelligitur illud, in quo nihil amplius distingui possit, quodque totum sit unum et omni qualitate destitutum, quale praeter nihil ne fugi quidem potest quidquam⁵⁷⁾. Ac formas, quae omnes rerum virtutes contineant et principia adeo sint omnis essentiae, concipere nihili simillimas, nullo pacto convenit. Intelligi igitur debet simplicitas illa tanquam materiae immunitas, quum aliud vocabulum, quo animi et rerum divinarum vis describi possit, praeter simplicitatem reperiatur nullum.

Est autem simplex haec natura tota una atque individua, sive ad numerum sive ad ipsam naturae suae rationem respiciatur. Quaevis vel notio vel generis species infinitam rerum subiectarum multitudinem in unum colligens est una, neque duae sunt eiusdem generis notiones; igitur cuiuslibet notionis nonnisi unus est numerus⁵⁸⁾. Ut est bonum unum, una virtus, pulcritudo una⁵⁹⁾. Quae quidem numeri unitas ac simplicitas latius etiam patet. Etenim quod a sensu

57) Fecit tamen Appuleius (de dogm. Plat. I. p. 190. ed. Oudendorp.) Initia rerum esse tria arbitratur Plato: Deum et Materiam rerumque Formas, quas *ἰδέας* idem vocat, absolutas, informes, nulla specie nec qualitatis significatione distinctas.

58) Aristot. Met. I, 6. p. 16. τὸ δὲ εἶδος αὐτὸ ἐν ἑκάστῳ μόνον.

59) Sympos. 211. A — C. Phileb. 15. A. et Gorg. Phaed. plur. loc.

plane est remotum, neque ex partibus aut articulis (quae corporum est natura) concrevit, vere unum dici debet atque individuum, ut quod nec dividi unquam possit nec discerni ⁶⁰). Unde efficitur, unum illud intellectu tanquam formam atque simulacrum conceptum, quum nihil a natura sua alienum in se habeat, semper esse *unum* et *idem*, igitur essentiae ac naturae perpetuo sibi constantis esse particeps, mutationis autem plane expers ⁶¹).

Quapropter ideas ob naturam suam esse unitates (*ἑνότητες*) perfectas ⁶²) et semper easdem, quum ex

(60) Soph. 245. A: *ἀμείρες δὴ που δὲ παντελῶς τὸ γε ἀληθὺς ἐν εἰρησθῶι.*

61) Cic. Qu. Ac. I, 8. Qu. Tusc. I, 24.

62) Phileb. 15. A. B. *μοῦνδες* 56. D. Haec et alia nonnulla vocabula et praecepta e Pythagoreorum disciplina Platonem summasse contendit Astius (l. l. p. 294.). Plurimi enim fecisse illorum hominum sapientiam. Neque potest negari, quod Astius idem pluribus locis (p. 105 — 107. 139. 157 — 165. 188. 341. 344. 352. 367 — 370.) doctissime persecutus est, permulta Pythagoreorum praecepta apud nostrum commemorari et in suum usum converti. Attamen haec omnia, nisi fallor, ita sunt comparata, ut summam Philosophiae Plat. tangant illa quidem, sed non efficiant. In tanta enim huius disciplinae praestantia et perfectione fieri non poterat, ut aliena principia sequeretur is, qui ab arte dialectica profectus plane aliam ac diversam philosophiae rationem nactus esset, quum alii aut in naturae contemplatione aut in numerorum rationibus ducendis defixi universum mundi complexum suo modo intelligere studerent. Quapropter per se quoque et invenisset et proposuisset, quae ab illis Heracliteis, Pythagoreis, Eleaticis, aliis summasse videri possit, etsi illorum praecepta in causa fuisse, quod de iisdem ut illi rebus sententiam diceret, non est negandum. Veruntamen alias similitudo non nisi in verbis

his tum ex eo perspicitur, quod essentia rerum aeterna intellectu comprehenditur, is vero utpote divinae naturae similis nec gignitur nec interit unquam.

§. 18.

At vero tum inter se ideae rerum discrepant, tum unaquaeque praeter unitatem complectitur aliquam multitudinem. Etenim et discernitur virtutis idea ab homine, animali, motu, aliis, ac variis notis vel signis ipsa conficitur. Ut in virtute voluntatis, honesti et constantiae notiones comprehenduntur. Non enim per se solum est (*ἐν ἑαυτῷ*), sed refertur etiam ad alias ideas (*πρὸς τι* cf. Soph. 251. D. sq.). Quam ob rem idea est *ἐν καὶ πολλὰ*. Sed ipsa haec multitudo duplici modo intelligitur tum proprietatum tum formarum generi subiectarum. Id quod exemplo fiet clarius. In Sophista (251. A. — 259. D.), postquam summa de essentia rerum dubitatio et difficultas exstiterat, denuo de eadem re disputatio sic instituitur, ut ponantur quinque genera: ens, motus, quies, idem et diversum. Quorum quidem, si per se intelligitur, unumquodque

inest, sensu discrepante, alias praeter verba res quoque ab istis repetitae videntur. Quae quidem omnia adeo facta sunt Platonice, ut sua tantum secutus dici debeat. Atque nostro loco (Phil. 15.), etsi nulla unquam Pythagoreorum familia exstitisset, ideae et *ἑνίδες* et *πέρας* dici debebant; neque Plato, ut et olim et nunc quibusdam visum est, propterea quod similitudine antiquiores philosophos attingit, aut ab illorum auctoritate pependisse aut sectator eorum fuisse iudicandus, quippe quum vel in maxima orationis convenientia dispar sit Platonicae disciplinae ratio.

est ens et idem, si ad alia refertur, non ens et diversum. Est igitur motus et ens et idem et diversum, et similiter reliqua. Nec tamen singula ex his aut omnia sunt aut nihil. Ex quibus, quod volumus, efficitur, quamlibet ideam esse *ἐν καὶ πολλά*, sive unum et multa, quod variae in ea insunt proprietates. Quod magis perspicue dicitur *ὄν καὶ μὴ ὄν*. Itaque, ut scholastice brevitatis causa dicam, complexus ideae (i. e. proprietates, quibus notio tanquam una absolvitur) comprehendit unum et multa sive varia, neque est ita simplex, ut in ea nihil quidquam cogitando discernatur. Aliud eius rei exemplum in Parmenide (129.B.) legitur. Non mirum, ait Socrates, esse, si quis res, quae similitudinis et dissimilitudinis notionum participes essent, ipsas sui dissimiles aut unum et multa propter eandem causam diceret. Id vero magnum et praeclarum videri, ipsam similitudinem sui dissimilem et ipsum, quod esset unum, multa atque invicem multitudinem esse unum, ostendere (*εἰ ὃ ἔστιν ἐν, αὐτὸ τοῦτο πολλά ἀποδείξει καὶ αὖ τὰ πολλά δὴ ἐν, τοῦτο ἤδη θαυμάσομαι*). Hic non de multitudine specierum et formarum uno genere comprehensarum dici, sed de varietate et differentia notionum in una notione (*ιδέαι*) copulatarum, ex loci ratione apparet. Namque ipsa genera et notiones (*γένη καὶ εἶδη*) inter se copulari et *μετέχειν ἀλλήλων*, et contra distineri ac disiungi debere, difficile est ad docendum. — Iam vero praeter hanc ideae unitatem et multitudinem altera potestatis, qua subiectas generi formas continet (Phileb. 12.E.), reperitur, veluti quum virtuti subesse virtutum formas dicimus, ut constantiam, moderatio-

nem, fortitudinem. In quò genere ab universis per partes euntes ad singula descendimus. Cuius rei exemplum est in Philebo (16. C. — 18. D.). Divinitus, ait Socrates, nobis traditum est, quaecumque sunt, ea ex uno et multis exstitisse, infinitatemque et definitionem (*ἄπειρον, πέρας*) in se coniuncta habere. Quae quum ita sint disposita, oportet nos cuiuslibet rei unam semper notionem (*μίαν ἰδέαν*) positam quaerere; quam si arripuerimus, deinde post unam, utrum duo iacent, videre; sin id minus, an tria aliisque numerus; et similiter in singulis ex hoc genere, donec primum illud unum non solum unum (*ὅν*) esse et multa (*πολλά*) et infinita (*ἄπειρα*), verum etiam quam multa, viderimus; infinitatis autem notionem ad multitudinem non adhibere ante, quam eius numerum inter infinita et unum interpositum plane perspexerimus; tunc autem singularem ex omni unitatem (*ὅν ἑκάστον*) ad infinitatem abiicere dimissam⁶⁵). In quo loco quis est, qui non videat, Socratem haec praecipere, in instituenda omni disquisitione anquirendum esse primo summum earum rerum, de quibus ageretur, genus (*ιδέαν*), quo tanquam uno reperto, distribuendo in formas et partes rerum (*τὰ πολλά*), procedendum ad singula (*τὰ ἅπαντα*), quae et ipsa velut unitates partibus subicerentur. Idem vero in partibus explicandis esse negotium, videre, utrum et quot singulae alias ipsae formas, an non, subiectas

(65) Cf. ad. h. I. STALLBAUM, p. 51 — 53. et in prolegg. ad Phileb. p. L — LIII.

haberent. Gradatim sic ab universis ad singula descendendo absolvi disputationis subtilitatem.

Haec Plato de uno et multis, quae in ideis inesse reperiuntur, praecipit. Qui quum $\pi\epsilon\rho\alpha\varsigma$ et $\acute{\alpha}\nu\epsilon\rho\omicron\nu$ in rebus inveniri dicit, id interpretandum est sic, ut modus ($\pi\epsilon\rho\alpha\varsigma$) tum in unitate definita tum in iis, quorum numerus iniri potest, appareat, $\acute{\alpha}\nu\epsilon\rho\omicron\nu$ sive infinitas rerum singularum sit proprium. Cum quibus componenda sunt, quae supra (p. 18.) de numerorum vi et indole diximus.

Verum enimvero in singulis adeo rebus ($\tau\acute{o}$ $\acute{\alpha}\nu\epsilon\rho\omicron\nu$) unitas et multitudo cernitur, ut quum hominem quendam appellamus magnum et parvum, gravem et levem, formosum et deformem et alia multa (Phileb. 14. C. Soph. 251. B. Parmen. 129. A.). Tunc est quodammodo unum ($\xi\nu\ \tau\iota$) idemque multa, quoniam est particeps notionum magnitudinis, gravitatis, al. Id quod non sic dicitur, ut plures formas, sed ut proprietatum aliquam multitudinem habeat, sitque $\acute{\omicron}\nu\ \kappa\alpha\iota\ \mu\eta\ \acute{\omicron}\nu$ (Soph. 259. C. D.).

§. 19.

Hanc de uno et multis doctrinam si vere enarravero, intelligetur, spero, quò sensu et idearum et singularum rerum defendatur esse unitas et multitudo, praesertim quum et dudum ante et Platonis maxime temporibus quaestio illa de uno et multis a doctis indoctisque agigaretur (Phileb. 17. A. Soph. 251. B. 259. C. D.), nec videretur esse, quomodo res illa adeo litigiosa non modo componi sed etiam in intelligentiae

usum; aliquem converti posset. Item quum triplex huius formulae (*ἐν καὶ πολλοῖς*) sit potestas, quum ad genus et speciem, tum ad idem et diversum in notionibus, tum denique ad rerum humanarum universitatem et multitudinem refertur, et quum repugnans, sibi ipse videretur, si quis id, quod vere unum esset, propter multitudinem suam negaret unum; factum est ut docti homines, quin sensum formulae percepissent perpetuo eam iactarent. Accessit igitur ad decernendam rem Parmenidis subtilitas. Qui ubi intellexerat, unum quod easet (*τὸ ὅτι ἐν*), et esse debere simplex, aeternum et idem, neque esse uno plura, neque praeter illud quidquam existere, id autem quum ad omnes omnino res pertinere iudicavisset, huius sententiae tam veritate quam difficultate adductus est eo, ut singularem hac de re opinionem proponeret. Iam id quidem, praeter illud vere unum (*τὸ ὅ ἐστι ἐν*) nihil esse proprie concedi oportet. Atqui sensibus non unum aliquid, sed multitudo rerum in oculos incurrentium percipitur. Quas quidem esse credimus. Quapropter quum sensuum mentisque iudicii discrepantia conciliari non posset, repudiata illorum temeritate omnem veritatem in rationibus mentis et intelligentiae posuit. Itaque intellectu cognosci veritatem, speciosam fraudem concipi sensibus. Ex quo magnificentum illud *ἐν εἶνα τὸ πᾶν* ortum (Parmen. 127. E. Arist. Met. III, 4. p. 45, 4.)⁶⁴). In eo viro quoniam divina paene inerat subtilitas ac sapientia, ut qui omnium primus veram

64) Cf. BRANDIS, comment. Eleat. p. 137. 149.

essentiam in mentis rationibus atque talis inesse videtur, quamquam totam eius rei vim et rationem non penitus perspexisset, secutus est cum Plato in *Is.*, in quibus id fieri par fuit, et quidem sic, ut cum, qui ipse erat diviso ingenio, convenit. Tametsi vero summus ille vis simulacrum aliquod veritatis conspexisse indicandum est, tamen non modo perfecti, quod instituerat, ed mo distribuerat quidem in sua rem genera. Inclinatam igitur a Parmenide disputationem de *ous* (*τὸν εἶναι*), suscepit noster, atque in eo dialogi, cui *I.* lins nomen inscribitur, ad finem perduxit. Hinc quum dico, quantum id sit, probe sentio. Ac non parum quin huius de uno sermonis rationem, in qua menda adhuc summi viri si non frustra at cum fructu elaboraverunt, denno explicem. Is mihi a diquid humani mihi acciderit, fore spero, at tunc non proxime redarguatur. Paratam enim habet colligam amicissimus, Godofr. Stallbaumius, editionem Parmenidis propediem prodituram, in qua quum et optimissimus praestiterit tum ad intelligendam Parmenidiam tum ad perspiciendam universam Platonicam philosophiae indolem, docti omnes ex *Platoni*, quum denonuper expolivit, conicient. Cuius quidem rei inuolens consiliis in hac ipsa quaestione aliquandiu non debere, lubenter profiteor.

§. 20.

Hac autem in disputatione quum tanta ambiguitatis, difficultatis et variarum opinionum vis in me incurrat, ut, si sub examen vocarem omnia, ex his

contentionis pelago emergere vix possem, satis habebō, omīssa alienarum sententiarum notatione, summam rei persequi.

Ac primum quidem hoc bene meminimus oportet, quum in Parmenide de idearum essentia et rationibus disseratur, et sic quidem, ut esse earum vim et gravitatem in universa philosophia summam defendatur, in ea quaestione inesse debere summum huius dialogi finem. Ad quem finem pertineant omnia ac singula. Quapropter commentationis illius *de Uno*, quae tanquam exemplum perfectae quaestionis dialecticae proponitur, non potest ullo pacto praesertim in tanta eius amplitudine (p. 135. C—166.) id esse summum consilium, ut exemplum aliquod dialecticae vel Eleaticae vel criticæ vel denique Platonicae exhibeatur. Abhorrere enim Platonis ingenium ab arte adeo nugatoria, qua sibi repugnantia nectendo lectores eluderet, quivis Platonicae disciplinae intelligentior sentiet ipse. Tantum igitur abest, ut contrariis sententiis inepte componendis hasisse aut nugatus adeo esse videatur, ut hoc ipso Parmenidis sermone idearum vim ac naturam penitus explanaverit.

Hanc orationem ut recte intelligamus, praemonendum est, *duplicem* subiectam esse potestatem notationi et *Unius* et *Essentiae*. *Unum* enim est tam *res aliqua singularis*, cuius unitas partium concinnitate absolvitur, quam *idea* (ἰδέα, εἶδος), quae vere unum est dicenda. Eadem est *Essentiae* ratio, qua et *res, quae vere est* (τὸ ὄντως ὄν) sive semper est eadem, et *res aliqua* intelligitur, quae, quum oriatur, mute-

tur et intereat. (τὸ μὴ ὄν), *esse videtur*. Igitur non uno sed duplici sensu Plato Unitatem et Essentiam accommodat ad disciplinae suae indolem usurpavit.

Est autem disputationis ratio haec. Quaeritur, si multa esse sumuntur, quid accidere necesse sit et multis tum per se tum ratione unius habita et similiter uni per se et multorum ratione; contra, si non sunt multa, quid eveniat tum uni tum multis et per se et ad multa (136. A.). Quod deinde revocatur ad quaestionem de Uno ipso, sive unum sit sive non unum, quid efficiatur (137. B.).

Iam vero *unum* si est (εἰ ἐστὶν ἓν) neque praeter id quidquam aliud, estque id sic unum, ut omnis appositio alterius tollatur; efficitur, ut sit nec totum nec pars, nec stabile aut mobile, nec formatum aut informe, nec idem aut non idem, et quae necessario in unitate omnino infinita eveniant. Est igitur plane infinitum et indefinitum (τὸ ἀπειρον), et quum forma, natura et essentia careat, propterea ab omni cognitione remotissimum (ἄγνωστον) 137.D.—142.B. Haec si quis diligenter perpenderit et composuerit cum iis, quae in Timaeo (p. 20. 49. A.—50. C.) de materia rerum et in Philebo (p. 23. C. sq. cf. Stallb. ad h. l. p. 57—66.) de infinito dicuntur, dubitare non poterit, quin spuria haec unitas, cuius praeter unitatem nulla est proprietas, sit Zenonis⁶⁵) et Megaricorum (Soph. 251. B.) illud unum, cui adungi tanquam proprium prorsus nihil poterat, vel potius *nihil*. Quod ne nihil

⁶⁵) TENNEMANN Gesch. d. Ph. I, 202.

absolutum interpretemur, vetat ipsa huius loci ratio. Quocirca relinquitur, ut unum hoc, quod vulgo crepitabant, non sit nisi rudis indigestaque materiae moles, quae eadem, quoniam est formae et naturae ideoque constantiae et verae unitatis expers, est quidem, sed vix ac ne vix quidem spurio argumento (*νόθος λογισμὸς*)⁶⁶ esse concipitur. Neque fieri potest propterea,

66) Tim. 52. B. Quae verba (*λογισμὸς τοῦ νόθου*) quot et quantas inter viros doctos turbas moverat, vix dici potest. Cf. TENNEMANN Syst. II, 239. not. 71. III, 35. not. 23. Geach. d. Ph. Vol. VIII. 1. I. p. XXXII. sq. SCHELLING Ph. u. R. p. 52. BORCKE in Stud. III. p. 26. sq. Astr. 1. I. p. 363. Sunt enim difficillima. Et primum quidem quaeritur, utrum de spatio (*χωρὰ*) tantum an de materia etiam cum spatio intime coniuncta intelligi debeant. Distinguuntur nimirum tria rerum genera, ex quibus universus mundus existerit, τὸ ὄν, ἡ χωρὰ καὶ ἡ γένεσις. Quorum illud ens verum ac perfectum ad ideas referendum esse, constat; γένεσις autem, ut supra docuimus, atque ex hoc ipso loco patet (50. C. D. 52. A. cll. 27. E. 28.), sunt res generatae et ex materia factae. Illud vero, quod tanquam mater et matrix (50. D. 52. E.) omnium rerum semina continet, formasque rerum ex ideis expressas in se recipit, utrum materiae rudis copia an spatii inanitas sit, quaeritur. Iam de spatio a materia seijuncto cogitari nequit, quod elementorum semina complecti dicitur (52. D. E.); haec autem corporata sunt, quanquam nondum formata. Igitur spatium et materia rudis est idem. In quo licet cum Astio (p. 364.) consentiam, addam tamen aliquid de utriusque generis discrimine. Appellatur quidem informis ista materia (50. D. — 53. C.) τὸ τῆς χωρᾶς, χωρὰ; ὑποδοχὴ πάντων, πανδεχὴς, sed non est propterea nihil nisi spatium. Etenim materiae tribuenda est spatii notio tanquam proprietas, atque adeo est illa in spatio, in quo rerum elementa sine ordine huc illuc moventur (53. A.), sive est spatiosa, nec tamen incorporea (*ἀσώματος*) eo sensu, quo ideae et cogitata sic dicuntur. Quapropter hic mihi quidem sensus esse videtur Platonis, ut iudi-

ut non modo ratione et intelligentia sed ne cernere quidem et perceptione cognoscatur (742. A.).

Iam vero si est unum (α ἓν ἄν), sive si formis ac legibus naturam suam tractum est: quia sine formae imagine, qua multis singularium rerum species existit, esse nulla res potest. consequitur, unum hoc concipi quidem videntur tanquam unitatem (ἓν τι), esse autem multa (τι πολλὰ). Quae quoniam inter se proprietatibus differunt, ut alterum sit hoc aut illud, alterum ab eo diversum, et singularium rerum natura a se distet, esse et non esse (εἶναι καὶ μὴ εἶναι) sive diversis formis et generibus (εἰδῶν) a se invicem distinguere omnia, manifestum est. Cadunt in hoc rerum genus spatium et temporum, mutationis, generationis, compositionis et destructionis et eorum, quae in rebus fluxis atque labentibus fieri consentaneum est, rationes. Quo fit, ut et sit Unum hoc et non

gesta illa materiae moles sit in spatio, incorporea, quod nullis corporum formis etiam tam careat (50. D. E. 51. A.), praeclareque invisibilis (51. A.) et quasi intelligibilis (μεταλαμβάνον ἀπορίτων πρὸ τοῦ νοῦ 5r. B.), aeterna et constans in suo genere (50. A. 50. A.), ut omnino sit difficilissima ad definiendum (51. A.). Cognoscitur tamen neque opinione et perceptione ut res formatae, neque κατὰ τὴν οὐσίαν ut ideae; sed apud quodam ratiocinio (λογισμῷ τὸν νόον), quoniam ad idearum rationem aliqua saltem similitudine accedit, non intuitum, Quod ratiocinium quum plurimi falsum et perperum intelligant, non tamen sic accipi debere propterea arbitror, quod κατὰ τὴν οὐσίαν debet materia tanquam rerum omnium subiectum, ἵκνται συνολογῶν potius, ut Pseudo-Timaeus Locrus p. 94. B. explicuit, ἀρχὴν τῆς матерίας substantiam duxerim. Nam cogitatur quidem materia, neque vero cogitatione sicut ideae, qualis sit, perspiciatur.

sit; quomodo enim ea, quae permutationes et vicissitudines subeunt, vere possint esse? Quod quidem utut est, tamen cognosci potest opinione (δόξη) et perceptione (αἰσθήσει); ex quo pertinere scientiam (ἐπιστήμην) ad opinionem de eiusmodi rebus definiendam cogitur.

Admirabilem hanc de Existentia Unius illius commentationem tredecim paginis (142. C. — 155. D.) absolutam si quis attente et diligenter perlegerit, is profecto et subtilissimam et verissimam eam iudicabit. Neminem enim latere iam puto, de quo Uno dicatur. Est haec rerum in sensus incurrentium universitas, quam dicimus mundum, qui cernitur, qua ut omnes res singulae licet diversissimae comprehendantur, ita unum illa appellatur. At speciem tantum unitatis praebet, ut supra (p. 39.) docuimus. Quamobrem et *essentiae* eadem est ratio. Non est, quodcumque mutationi obnoxium (τὸ γιγνόμενον) invenitur; quod quum esse tamen perhibetur, non illud vere sive non semper est unum et idem, quod constat sibi nunquam, sed fit continuo, neque nisi articulum temporis, quod *momentum* dicimus (τὸ ἐξαίφνης), durat (p. 155. E. — 157. B.) Ex quo, quantumtribuendum sit Heracliteae doctrinae, fluere omnia nec consistere quidquam, et quam late pateat, intelligitur.

Haec si cum iis, quae supra de vera rerum essentia, quae in ideis cernitur, et de existentiae rerum humanarum natura proposuimus, comparentur, nisi fallor, perspicietur, hoc unum, quod est (τὸ ἐν ὄν), idem reperiri quod πεπερασμένον illud in Philebo (p. 23.

C. τὸ *ξυμμιεγόμενον*), vel materiam rerum legibus et modis (*πέρας*) temperatam.

Utrum vero in universum haec a Platone disputata sint, an respexerit certam quandam philosophorum opinionem, affirmare in promptu non habeo; nisi forte Anaximandri et Physicorum commentitiam universitatem perstrinxit ⁶⁷⁾ Etenim neque Parmenidi neque Platoni hanc sententiam, qua confunduntur omnia in unum, nec coniunguntur aut disiunguntur, tanquam veram tribui licet.

§. 21.

Quam unitatem Parmenides adhuc per se et solam persecutus est, eam nunc ad *multa* ita refert, ut unum et multa tanquam *unum* et *non unum* opposita esse appareat. Quaerit autem hoc: qualia convenit esse alia (*τὰ ἄλλα*), si est unum?

Et haec quidem si opponuntur ei, quod, quum modum et finem in se habeat, est vere unum et idem, reperiuntur esse multae, in totum quoddam (*ὅλον*) coniunctae partes. Quod quoniam ex partibus consistit, est *totum* et sic *unum* quodammodo, nec tamen unum omnino (*παντελῶς* *ἐν* 157. C.) Partes vero totius sunt partes, eademque ipsae tota et unitates quaedam (*ἐκαστον* *ἐν* *ἔστι* 158. A.), igitur participes verae unitatis, etsi non ipsum unum (*αὐτὸ* *ἐν*). Quamobrem per se quidem hoc rerum genus, quum ab uno diversum sit,

67) TIEDEMANN Geist d. sp. Ph. I, 49—61. TENNEMANN Gesch. I, 65—73.

nihil est aliud, quam multa, infinita (*ἄπειρον*) et perpetuo dividua sine lege aut forma. Quo si unum illud accesserit, materiam inconditam digesserit, coniunxerit forma ac regula, ex infinito et finito (qui finis dicitur *τὸ ἐν*) tertium quiddam mixtum et finitum, quod aliis quoque modum affert, existit (158. D.) Ex quo efficitur, alia illa (*τὰ ἄλλα τοῦ ἐνός*) praeter unum esse omnino et infinita et modo temperata; ex quo humanarum rerum diversitas et varietas originem habet (157. B. — 159. A.).

Haec obscura iam esse non possunt, si eorum, quae supra exposita leguntur, recordemur. Unum enim (*τὸ ὅντως ἐν*), quod aliis infinitis opponitur, non est nisi ideae unitas (*τὸ πέντας* Phileb. 23. C.), cuius beneficio, id quod post confirmabitur, modus et finis communicatur cum materia, natura sua informi et infinita.

At vero haec quum ex antecedenti disputatione (142 — 157. B.) constarent, pergit quaerere, quid aliis, ab unius societate penitus separatis, accidere necesse sit (159. B. — 160 B.). Ponendum autem, utrumque ab altero plane abesse, quod tertium aliquod genus, quo invicem copulentur, cogitari nullo modo potest. Universitas igitur rerum hac sententia: unum et praeter unum cetera, pronunciatur. Itaque consequuntur haec. Sunt plane separata; atqui unum illud vere et omnino unum (*τὸ ὡς ἀληθῶς ἐν* 159. C.) partium est prorsus immune; ergo nec totum nec partibus cum caeteris (cf. p. 130. E. — 131. E.) communicatur. Quae sic quidem nec habent nec sunt unum aliquod, neque ideo multa aut definita ullo numero (ut qui sine

unitate ne cogitari quidem possit), neque variis proprietatibus, nec ulla vi praedita esse evincuntur. Sunt igitur prorsus nulla, et Unum illud est rerum universitas (*ἐν τῷ πᾶσι*), ac ne ipsum quidem est, neque per se, neque si ad alia referatur. Atque hoc loco a Parmenide suam ipsius de Uno sententiam subtilissime proponi, quis est, quin cum omnino tum in ultimis verbis videat⁶⁸⁾? Perspicue namque hoc, ideae unitatem esse vere, et complecti omnia quae sint, hoc est se ipsam, ut praeter quam sit ne unum quidem, docetur. Transfertur enim unitas a rebus singulis ad universi notionem, cui soli aeterna essentia et unitas tribuitur. Praeter quam quum nihil sit, quod ei tanquam proprium adiungi aut ab ea discerni queat, ne ipsa est quidem, ut Zeno docuerat⁶⁹⁾.

Et sane, quantum sit singulis ex quatuor his de uno propositis sententiis tribuendum, paene sua sponte patet. Prima se ipsa redarguit, alterius aliquod ad veritatem cognoscendam est momentum, tertiae in scientia comparanda summa est gravitas et propter veritatem utilitas, minor Parmenideae ultimae, quam cur Plato non assumserit, ex rationibus suae doctrinae constat⁷⁰⁾.

68) TENNEMANN *Gesch.* I. 163—176. BRAKUS *comment. Elem.* I. 133—137.

69) TENNEMANN *Gesch.* I. 202. *Arist. Met.* III. 4. p. 45.

70) SCHLEIERMACHERUS (*T. L.* Vol. II. p. 97.) hac de re haec: huius dialogi ratione adactus esse multos, ut Platonem exemplum falsae dialecticae exhibere voluisse, immo vero ipsam Parmenidem suam et Zenonis de uno doctrinam refellente induxisse, videtur.

§. 22.

Conversa iam disputatione ad quaestionem oppositam alteri, ponitur, *unum non esse*. Quid inde concludendo efficitur? Ac primum quidem *unum* hoc non est ideae unitas, sed rerum singularum, quae apud nos sunt et quorum intuemur oculis speciem; et *non esse* idem atque ab aliis diversum esse ponitur. Quare definita intelligitur, quaestionem hanc agitari, quid in singulis rebus, si inter se diversae sint, eveniat. Id enim tanquam concessum ponitur, alio sensu quam hoc accipi non debere non ens⁷¹⁾. Ex quo consequitur, *unum* hoc *non ens* cognosci et ab aliis differre, esse igitur aliquid multisque proprietatibus praeditum, siquidem unum illud neque aliud quoddam, cui idem unitatis nomen tribuendum sit, esse negetur (161. A.). Hoc cum diligentissime Parmenides cavisset, ne praeter hoc unum, quod ab aliis distinguitur, aliud unum (vere unum) intelligeretur, attribuit ei societatem cum aliis, similitudinem sui et differentiam ab aliis, itaque modorum rationes (161. E.) et essentiam adeo. Est enim vere sic, ut dictum est, vel reperiuntur haec pro-

rentur; quae quidem, qui totum recte perspexerit, vix posse probare. P. 98. ne cogitari quidem posse, ait, Parmenidem iis, quae in unitate sibi repugnare videantur, se ipsum refellere. Omnino enim in hoc Platonis opere sententiam de doctrina Parmenidis nullo pacto esse quaerendam (p. 99.). In quibus Schl. verbis, quum argumentis idoneis confirmantur nullis, non minus est obscuritatis quam ambiguitatis.

71) p. 16. C. τὸ μὴ ὄν ἕτερον τῶν ἄλλων λέγει, ὅταν εἴπῃ, ἐν αὐτῷ μὴ ἔστι.

prietatum genera in eo vere; in qua quidem naturae suae constantia essentia (*οὐσία* cf. p. 10.) consistit. Veruntamen haec formula *non esse* (*μη ὄν*) non omnem essentiam ab uno aufert, sed et ipsa aliquod essentiae genus significat. Copulatur igitur hoc unum cum essentiae privatione, quum tamen sit pariter, atque ad veram essentiam eadem pertinet privatio. *Esse* (*εἶναι*) enim tunc recte intelligitur, quum duplex eius genus et aeternam immutabilemque essentiam sive naturam (*οὐσία τοῦ εἶναι ὄν* 162, B.) et differentiam ab aliis, igitur quodam modo essentiae privationem (*μη οὐσία τοῦ εἶναι μη ὄν* ibid.) mente informamus. Ac pariter *non esse* (*τὸ μη ὄν*) aut est omnino essentiae negatio sive nihil absolutum (*μη οὐσία τοῦ μη εἶναι μη ὄν*), aut est essentiae quaedam ratio, qua est multa et infinite multa non est, sive ab aliis rebus, quarum eadem est ratio, differt (*οὐσία τοῦ εἶναι μη ὄν* 162, B.)⁷²). Hac ratione existit planissima huius loci difficilissimi sententia, quam omnia essentiae genera complecti, si cum iis, quae supra disputavimus, conferas, luculentissime intelligitur. Quae quum ita sint, unum illud, de quo adhuc disseruerat Parmenides, et est et non est, mutatur, movetur, consistit et permanet, prouti et materiae et verae essentiae natura constituitur (163, B.).

Verissime igitur et luculentissime hic (p. 160. C.—163, B.) de rerum corporearum existentia praecipitur. Neque istam, quae Tiedemannō⁷³) tantum

72) Id quod explanavimus supra c. I. §. 4. 5. 7. 8. not. 24.

73) Arg. Dial. Plat. p. 350. 353.

creavit fastidium, ludendi libidinem aut ineptiarum far-
raginem in hoc loco deprehendi. Habent enim omnia
ac singula recte, modo ad suum quodque genus refe-
ratur, neque variarum notionum varia potestas in unum
confundatur. Non enim hic nisi de rerum, quae in
sensus incurrunt, essentia sive malis non essentia prae-
cipitur, quae quum varietatem et diversitatem ideo-
que in aliis rebus aliarum virtutum sive proprietatum
privationem (τὸ μὴ εἶναι) comprehendat, non esse propter-
ea iudicatur. Haec ut recte perspiciantur, adhiben-
dus est locus in Sophista p. 257. B. — 258. C. adversus
Parmenideae sententiae vanitatem, qua τὸ μὴ εἶναι tam
ex rerum natura, quam ex scientiae humanae rationi-
bus sublatum fuerat ⁷⁴).

Nunc quod additur (p. 163. B. — 164. B.), per-
tinet ad absolutam essentiae negationem. Nam non esse
quum dicitur, non quodam modo esse et quodam modo
non esse sumuntur res, sed esse omnino negantur
(163. C.). Ex quo necessario hoc, neque attribui ne-
que dici de rebus quidquam, immo ne cogitari quidem
posse, consequi videmus. Id quod, quoniam est per
se perspicuum, nihil addi opus est. Convenit enim
Platoni et Parmenidi de hac absoluti nihili notione,
hoc tamen discrimine, quod ille essentiae notionem
uno tantum modo intelligi voluerat, Plato autem varia
essentiae genera et ad disputandi subtilitatem et ad vi-
tae et sermonis communem usum accommodatius di-

74) BRANDIS comment. Eleat. I. p. 103. 134.

stinxit. Quod aequè in quaestione de non ente valere necesse est.⁷⁵⁾

§. 23.

Iam vero iterum *unum* et *alia* (ἐν καὶ τὰ ἄλλα) sive ab eo *diversa* sibi opponantur (p. 164. C. — 165. D.), in qua disputatione unum *ideam* esse, subintelligendum, *alia* autem *corpora*, non est, quod demonstratur. Quae idea quum esse negatur, aut in cognoscendis rebus repudiatur, reliquum fit, ut nihil, sublata omni notionis unitate, tanquam unum reperitur. Sed vel individua corpora multitudinem et infinitatem continent, et perpetuo dividi queunt. Quod si quis affirmat, eum necesse est effugiat omnis cognitionis veritas, restet nihil nisi fluxa species et mobilis error. Quidquid enim sumseris, id sibi repugnat, et specie species vincitur. Iam aliis locis noster hanc Heracliti, Leucippi, Democriti, aliorum ineptam atomorum opinionem, ut in Theaeteto, Sophista et Philebo rejecerat, ex qua exstiterant labiles et fluctuantes illae τῶν φερότων fabulae. Has igitur nugas physicas acutissime nostro loco refellit⁷⁶⁾.

Attamen ipsa haec opinatio et species cognitionis, quam possit quis sublata idearum unitate et cognitione defendere, tollenda est omnis. Namque unitate e me-

75) Cf. huius libelli p. 14. not. 24.

76) Cf. de Heraclito TENNEMANN, Gesch. d. Ph. I. 218. 237, SCHLEIERM. de Heracl. p. 356. Empedocle TENN. I. I. 243. Leucippo 263. Democrito 275. 289. Anaxagora 506. sq. 330.

dio sublata cetera tantum abest, ut plura aut multa sint, ut, negata unitate, ne esse quidem nedum cogitari aut conici possint (p. 165. E.—166. C.). Atque in hoc, quod ultimum erat, repudiando orationis flumen consistit et quasi conquiescit. Etenim adeo nihil superest, quod amplius de hoc genere disputetur aut quaeratur, ut finiri sermonem in hoc ipso loco necesse sit. Plane perfecit, quod instituerat. Ideas esse, et summam in omni veritate et scientia vim et auctoritatem habere, id quidem, nisi forte quis meliora docere potest, docendo perfecisse videtur. Negat quidem Schleiermacherus ⁷⁷), fieri posse, ut, si quis accurate omnia momenta pensitaverit, hic dialogus pro sede doctrinae illius habeatur, neque propterea mirabilem istam controversiam de vera idearum ratione hoc opere Platonis adhibito componi posse; sed ipso orationis suae genere, quam non ipsi de veritate sententiae suae constet, significat. Quamobrem ab huius summi viri sententia idoneis rationibus adductum recedere, haud nefas esse videtur. Neque possum satis demirari Astii levitatem, qui praeter hunc ultimum dialogi finem desideraverit alium ⁷⁸). Ex quo uno, quam vir ille acutissimus mentem Platonis non assecutus sit, constare arbitror. Nihili enim est ratio disputationis pendenda, quam in tabula exhibuit p. 242. 243. Neque Schleiermacherus ab ea sententia plane abhorret, quae nisi fallor, haud magni est momenti. Nam quod constanter

77 Vers. T.I. Vol.II. p.89. ed. alt.

78) l. l. p. 244. 25.

contendit, esse hunc dialogum a Platone iuvene conscriptum paulo ante vel post mortem Socratis, inchoatumque esse relictum, id cum per se haud est verisimile, tum vereor, ut perspicue docere possit. Et orationem quidem ac dialecticae disputationis inconstantiam infirmitatemque et in notionibus recte definiendis conspicuam imperitiam quod commemorat, id, si ea, quae hic leguntur, cum ceteris dialogis componantur, vix alicui persuaserit. Etenim dialecticae orationis facultatem atque exercitationem perfectiorem in aliis Platonis libris vix repererit. Denique quod de Theaeteto, Menone, Sophista dicit, vix esse credibile, post ea, quae de natura cognitionis ibi praecepta essent luculentissime, Parmenidem aenigmatis plenum conscribi potuisse, id paulo longius a veritate abest. Nihil enim hic celatum est, nihil obscure significatum, sed positum tanquam aliunde certum ac manifestum. Modo enim accurate notionum propositarum ordo ac continuatio servetur, et rerum, quae commemorantur, genera diligenter distinguantur, optime omnia constant⁷⁹). Neque praestat quidquam aliorum opinio, Platonem hac ipsa oratione difficultates et ambiguitates de eadem re nectere, et diversa ac repugnantia dicendo aut exercere mentis acumen, aut celare adeo alios mentem suam voluisse. Quod quam non modo falsum sed etiam ineptum sit, quicumque Platonicae prudentiae non plane rudis fuerit, sponte intelliget. Iam vero quod ad argutias et ratiocinia sophistica attinet, quae sibiprehendisse multa multi in Parmenide videntur, id sic

79) l. l. p. 103. 105. 405.

est comparatum, ut ne audiri quidem debeat. Suo enim quaeque loco, sua ratione consideratur reperiuntur esse verissima. Id quod quam in ipso hoc dialogo patet, tum potest etiam comparatione eorum perspicui, quae supra, ne respecto quidem huius dialogi testimonio, docuimus. Itaque nihil praeterea iam opto, nisi ut virorum doctorum elegantiae et subtilitati haec mea proponentur.

Ceterum quo diutius animi aciem in perspicienda Parmenidis ratione et intelligentia defixam teneo, eo adducor magis, ut hunc dialogum pro Philosopho illo (Politico. 257. A.), cuius sermonis saepius inticitur mentio, haberi posse credam. Quanquam id in tanta rei difficultate vix certo contendere ausim, terretque me Schleiermacheri execratio, qua persecutus est eos, qui talia vel opinari auderent. Veruntamen perpetienda esset ipsa haec proscriptio aequo animo, si veritas in hanc aliquam sententiam impulisset, quam hic sit mos inter viros doctos, ut pro ratione auctoritatem suam interponant, iubeantque se suaeque sequi, donec opposita ratio constiterit.

CAPUT IV.

DE IDEARUM DIVERSITATE ET MUTUA INTER IPSAS NECESSITUDINE.

§. 24.

Idearum propria est unitas. Fierine igitur potest, ut una omnes eaque summa notione comprehendantur,

ex qua tanquam ex fonte deriventur? Jam vero videntur eiusmodi notiones esse τοῦ ἐνός, τοῦ ὅντος, τῆς ἰδέας τοῦ ἀγαθοῦ. Quod utut est, tamen non hae solae ideas dici debent, sed etiam aliae permutae, genera rerum et formas complexae. Sunt enim unitates et proprietatum signis inter se differunt. Quius quidem differentiae duplex est genus, alterum notarum, quibus notiones singulae absolvuntur, quam ob rem ea ratione ὅτι καὶ μὴ ὄντα (εἶναι καὶ μὴ εἶναι) appellantur; alterum potestatis, quum aliae genera aliae subiectae, his formae dicuntur, ut Rep. VI, 510. B. C. 511. B. C. Philob. 15. A. sq. Quod ut sit, tamen movenda est quaestio de eo, utrum omnium ac singularum rerum vel abiectissimarum adeo concipiantur ideas, an ea sit harum tantum rerum praestantia, quae, quoniam sunt a sensuum temeritate secretae, divinae perhibentur. Et sane poterat hoc dubium videri ei, qui naturam rerum opinione hominum de earum dignitate et pretio, non accurata essentiae intelligentia metiri consuevisset. Quales sunt iuvenes et philosophi nostrates. Etenim, quum capillorum, luti, stercoreis notiones pariter ut res ipsae in contemptu sint, accidit ideo, ut eiusmodi rerum ideas esse negarent. Id quod Platonem committere noluisse, constat ex loco, quem in mente habeo, Parmenidis p. 130., ubi omnium rerum omnino ideas esse statuit. Nec poterat aliter sentire is, qui constantem uniuscuiusque rei naturam mente perspexisset. Quo accedit hoc, quod omnia ac singula ad sua quaeque genera, nec illa inferiora sed summa, quae omnium sunt communia, referuntur. Ex quo illud, esse et horum ideas

sive genera, summa alia, alia inferiora, consequitur. Quocirca in intelligenda disciplina Platonis hoc, omnium rerum, sive in intellectu sint sive in sensus incurrant, quarum esset certa et constans natura vel essentia, earundem esse ideas, probe teneamus necesse est. Cuius rei autem cerneretur nulla constantia, eius neque mente informari ideam⁸⁰⁾.

At vero, quum diversitatis rerum causa videatur esse alia nulla praeter materiae varietatem, num fortasse eadem et idearum est ratio? Nam quomodo potest fieri, ut eius, quod ex simplici et plane una natura existit, varietas et multitudo esse intelligatur? An subiecta est idearum variis generibus et inter se diversis multiplex quaedam materia? Corporum enim varietas a materiae (*ύλης*) varia proprietate deducenda esse videtur. At quatenam aut qualis est haec idearum et corporum materia? Communem et idearum et corporum materiam, quum dispar utriusque generis sit ratio, concipere, nullo pacto convenit, duplicem autem et singularem in singulis fingere, lubricam esse videtur. Excogitavit tamen, ut hanc difficultatem tolleret, Aristoteles duplicem materiam, alteram corporum alteram notionum et idearum⁸¹⁾. Et vero, quum in omnibus varietas et distinctio a materia, unitas a forma repetenda videretur (Met. XIV. 2. p. 240.); id quoniam in ideis quoque contingere intelligeret, ut

80) Cf. cum his refutationem Platonicae de ideis disciplinae apud Aristot. Met. XIII. 4. p. 218.

81) Aristot. Met. XIV, 3. p. 245. lin. 11. Phys. III, 4. p. 48, 6. p. 56.

varietas quaedam unitate formae definiretur, et aliarum rerum aliae etiam essent ideae, revocavit materiam ad ideas⁸²). Et facile quidem fieri id potuit; quum eadem ratio idearum et numerorum esse videretur, in quibus multitudo unitatis accessione in formam certam redigeretur. Erat autem numerorum genus intermedium inter res creatas et idearum naturam; quod illas definirent, has similitudine aeternitatis et constantiae attingerent. Verum enim vero simile non est idem. Neque numerorum quod Plato materiam posuerat *τὴν ἀόριστον διῶδα*, propterea eandem et idearum elementa statuissē putandus est. Atque est tota haec de uno et dyade disputatio vel potius contentio non tam Aristotelis, quam interpretum eius seriorum, qui scholas Platonis ab Aristotele audiendo exceptas et in libris de Bono et de Ideis perscriptas secuti, numeros et ideas plane confundebant⁸³). Non enim Platonem ipsum sed sectatores Academicos, cupidissimos illos Pythagorae Platonisque disciplinam conciliandi, audiebant. Qui quum vidissent, intercedere hanc inter numeros et ideas rationem, ut, quum illi ab altera parte propter multitudinem comprehensam essent materiae similes, unitate vero, quae eadem est idearum, ad hoc genus accederent; continuo non ex numeris ideas, sed ex ideis, ut Pythagorae suum constaret ius, numerique principia rerum haberentur, fecerunt numeros. Quod quum esset

82) Met. I, 6. 7. XIII, 4. et locis a Brandisio l. l. p. 3. 23. sq. et a Trendelenb. l. l. p. 47. sq. allatis.

83) V. BRANDIS, p. 28. 29.

indocte sane perfectum, nihil erat, reliquum, nisi ut τὴν δυάδα, τὸ ἄπειρον et τὸ μέγα καὶ τὸ μικρόν, quibus quidem nominibus Plato materiam significare solitus esset, ad ideas translata principia adeo idearum facerent. Et sic quidem visi sunt sibi doctissime omnem idearum naturam aperuisse. Accessit, quod ideae tradebantur esse principia rerum. Res autem ex infinito et numero conciperant. Igitur ideae quoque tanquam principia rerum et numeri ex infinito et uno existerant. Quod quum fit, perditur idearum natura, cui, quum a materia plane sit secreta, neque aliter nisi mente, quae una et simplex est, concipi possit, nihil commune cum materia vel tenuissima fingere licet. Neque debebant ad evitandam hanc difficultatem fingi numeri ideales (εἰδητικοί), mathematici et physici, quippe quum et haec Speusippi et Xenocratis subtilitas a vera Platonis disciplina aliena esset,⁸⁴⁾

§. 25.

Itaque in tanta rei ambiguitate, quum in libris Platonis nullus plane, ex quo talia efficiantur, locus inveniri queat, praesertim quum haec numerorum et idearum confusio a sincera doctrina philosophi longissime recedat; mirum sane accidisset, si idem, qui in libris numeros et ideas esse eosdem negasset, in scholis non verbis modo sed sententiae etiam suae contradixisset. Fieri enim potuit quidem, quin factum esse cre-

84) Aristot. Met. XIV, 3. p. 245. TREND. p. 71. sq. BRAND. p. 44. sq.

dibile fit, ut rerum principia physice explicans numerorum auxilio id efficere studeret. Nam id quidem debuit fieri, quum numerorum definitione infinita materiae moles digesta et composita esset. Ex quibus tamen non causae naturales sive efficientes, sed tantum formales in specierum varietate distinguenda conspiciuae deducendae sunt. Dixit igitur, quod poterat, numeros ordinis et compositionis propter modum et unitatem esse causas, eoque societate cum ideis coniungi, ut quae essent simulacra generum et constans unitas. Quid, quod cum ideis comparasse credi potest. At ideas eos nominasse et sic praecepisse adeo, vix et ne vix quidem credibile est. At ipsa tamen haec similitudinis comparatio fraudi fuit discipulis. Etenim utrum sensus inesset sententiae, numeros et ideas esse causas rerum, annon, id quidem non curabant illi, quibus verba et similitudines ut res valerent. Idque quum nominum Pythagorae et Platonis auctoritate confirmaretur, quae nimirum apud homines meditandi insolentiores semper valuit plurimum, sublata erat omnis de ea re dubitatio, et quod fieri nunquam potuit, vere est factum. Numeri sunt rerum principia (*ἀρχαί*) et elementa (*στοιχεῖα*) creati, eorumque elementa etiam ad ideas pertinent. Sic saepe similitudinis speciem pro veritate docti scilicet homines amplexi sunt.

§. 26.

Iam quod ad Aristotelis testimonium attinet, id, quoniam non fere nisi ex libris metaphysicis repeti solet, parum valet. Quamdiu enim pendebit de au-

thentia librorum his et iudicium, tamdiu, graviore etiam in dies incidente ambiguitate, infirma debet eorum haberi auctoritas. Ac quodcumque tandem est eorum momentum, loco tamen illo celeberrimo Met. I, 6. p. 16., quod volunt Brandisius et Trendelenburgius⁸⁵⁾, non certo confirmatur. Aiunt enim hi viri doctissimi, Aristotelis auctoritate confirmari sententiam illam admodum celebratam de convenientia Pythagoricae et Platonicae disciplinae. Quod mihi quidem secus videtur. Comparatur ibi Plato cum Pythagoreis propter communem numerorum doctrinam. Docuerant illi, numerorum imitatione res exstitisse omnes, hic participatione sive communione (*μετέξει*). Iam vero praeter res sensibus subiectas et genera (*εἶδη*) inter res intermedia esse mathematica, quae a corporibus eo differrent, quod essent aeterna et immota, ab ideis, quod illa multa aliqua essent, ideae autem singulae unum. Quod autem genera omnium rerum causae (*αἰτίαι*) essent, propterea illorum elementa (*στοιχεῖα*) omnium rerum esse elementa, et tanquam *materiam* quidem *magnum* et *parvum* esse principia (*ἀρχαί*), tanquam *formam* et *essentiam* (*οὐσίαν*) unum. Ex illis enim propter participationem unius *ideas esse numeros* (*ἐξ ἐκείνων γὰρ (τὰ) κατὰ μέθεξιν τοῦ ἑνὸς τὰ εἶδη εἶναι τοὺς ἀριθμούς*)⁸⁶⁾. Hoc loco numeri quemadmodum

85) BRAND. p. 21. sq. TREND. p. 30. sq. 69.

86) Cf. Met. XIV, 3. p. 243. *οἱ μὲν οὖν τιθέμενοι τὰς ἰδέας εἶναι καὶ ἀριθμούς αὐτὰς εἶναι τιθέμενοι*, ex quibus, si qui video, patet, accipiendum esse locum supra allatum sic: idearum genus propterea

E

et numerorum. Quod cum sit plerumque in
natura philosophorum dictum sit, inter omnes
stat. Neque tamen negari potest attribui
Aristotelem sententiam istam de materia identem
vel duos vel tria sive uti tria posset dicatur
nam et principium eorum esse unitatem
que et Brandissius et Trendelenburgius
firmaverunt. Veritasque ipsa
Platonis doctrinam, qualem nos
rum adhuc superest copia.
modata iudicari debeat, ad

que si Aristoteli in hoc genere fides sit habenda, aut alia locutus est Plato, scripsit alia, aut referuntur Academicorum subtilissimae de his rebus commentationes ad initia praeceptoris leviter tantum adumbrata. Id quod non immerito a me dici putaverit, quicumque Aristotelis in disputando et refutando rationem perspectam habeat. Omnino autem haec res et difficillima est et tanto impeditior, quanto remotiores ab aetate Platonis sunt ii, qui eius auctores exstiterunt. Quae quum ita sint, expectandi sunt eo cupidius commentarii in metaphysica Aristotelis, qui a Brandisio conduntur. Hic enim, si quis alius, lucem huic rei afferre potest.

§. 27.

Hoc unum addam. Ideae sunt genera rerum, quae semper in animo vel divino vel humano ante fuerunt, quam ad materiam formandam adhibebantur. Materiae omnis propterea sunt expertes, tum quod simulacra notionum perhibentur concrecioni contraria, tum quod materia formarum rudis ac plane inordinata ab idearum simplicitate abest longissime. Quodsi igitur aliqua in his reperitur differentia et varietas, non debet huius rei causa in materia vel corporum vel alia quadam subtiliore quaeri, sed in ipsa eius numinis natura, a quo omnia originem suam habent. Neque veri est simile, hanc, uti ab Aristotele fieri videmus, a Platone agitatam esse quaestionem, nisi forte, quae fieri nec possunt nec debent, tentasse eum ac suscepisse volumus. Accedit, quod materia idearum posita, et hoc, esse ideas praeter mentem aliquid et sub-

stantiarum modo per se esse, affirmatur. Id quod, nisi me omnia fallant, neque de numeris ullus contenderit, neque de ideis, adductis locis idoneis, docuerit. Ac possem hic, ut ideas fingerem, essentiam illam divinam commemorare, ex qua tum universi mundi animus tum mens humana existit. Sed hoc ne facerem, prohibuit me loci in Timaeo ratio, in quo mythice non doctorum more disputatur, quoniam iis de rebus ne dici quidem nisi verisimiliter potest (p. 29. B. C. 48. C. D. 53. C.). Quamobrem in praesenti quidem totam hanc de materia idearum disputationem deponere cogor, quoniam in utramque partem affirmare aliquid mihi non integrum est. Quo enim accuratius in eam rem inquiero, eo mihi videtur maior esse culpa Aristotelis, qui quum ideas Platonis interpretaretur genera et notiones rerum communes, neque diversitatem idearum et notionum constanter servaret, quaestionem de materia notionum ad ideas revocavit, et sic ad materiae societatem, *quod ab ea esset remotissimum*, deduxit. Cadere enim in haec notionum genera videtur materiae commemoratio, ut quae totae sint in illius rationibus definiendis. Quodsi autem ad ideas materiam quandam subliorem adhibemus, fingenda est notio materiae inepta et sibi repugnans. Quae quum ita sint deponam ad tempus quaestionem ⁸⁷).

87) TENNEMANN Syst. II, 296—298.

CAPUT V.
DE RATIONE IDEARUM ET RERUM
HUMANARUM.

§. 28.

Restat nunc, ut ad id, quod ultimum in hoc libello esse debet, ad quaestionem de ratione idearum et rerum humanarum accedam. Et primum, quidem, agenda est controversia illa admirabilis de *substantia* idearum, quam dicunt. Fuerunt enim permulti, qui hanc esse utriusque generis rationem arbitrentur, ut ideae tanquam res in rerum natura essent. Sed ante est ipsa substantiae notio definienda, quam in hac ne decernere licet. Iam substantiae vocabulum non debet cum Quintiliano (III, 6, 38.) vis et natura rei intelligi, qua praeditas ideas esse nemo dubitaverit, sed nostro more et usu est quaerendum, ideae sintne res a mente separatae, quae per se sint. Quam quidem sententiam plurimi ab antiquitate ad nostra usque tempora amplexi sunt. Sed difficultatem vocabuli substantiae, quam sublatam esse oportebat, reliquerunt. Alii res singulas, alii species rerum divinarum quasi exemplari expressas, alii deum, alii aliam posuerunt substantiam. At hoc tamen tenent, ideas sive notiones generales esse res, et esse per se solas. Quapropter locum adeo idearum descripserunt coelestem (Phaedr. 247. C. 250. B. Symp. 211. B.). In quo tamen errant. Nam inter loca ab his viris laudata ne unus quidem est, ex quo certo colligitur id, quod volunt. In Symposio pulcritudo ipsa describitur; ad quam cog-

noscendam Diotima Socratem sic iubet accedere; ut a rebus singulis iisque pulchris ad illud ipsum, quod vere est pulcrum et absolutum, avocando animum a singulis formis, enitatur, quod est semper, nec interit unquam, nec mutatur, neque est aliqua tantum ratione pulcrum. Non cernitur illud tanquam humanae formae simulacrum, neque ut notio (λόγος) et scientia (ἐπιστήμη), nec in aliis praeter se rebus in terra aut in caelo, sed tanquam ipsum, quod est per se et in se ipso semper idem (αὐτὸ καθ' αὐτὸ μεθ' αὐτοῦ μονοειδὲς αἰεί ἐν 211. B.). Quibus verbis Schulzius ⁸⁸⁾ ideam tanquam substantiam describi censuit. Quod concedi potest, si de deo summo et perfecto dicitur. Id tamen quum natura loci sic accipi non patiatur, intelligenda est idea pulchri, quae quum in re nulla tota inesse possit, necesse est, semper vigeat in ea mente, in qua, ut supra docuimus, idearum genus locum et quasi sedem habet ⁸⁹⁾. Ac spero, locis omnibus accurate compositis et cum universa nostri doctrina collatis hanc meam sententiam confirmatum iri. Namque etiam locus in Parmen. p. 130. B. — 135. C. a Schulzii sententia est alienus. Movetur ibi a Parmenide quaestio, num separata (χωρὶς) a rebus singulis genera quaedam esse sumi oporteat, quorum participes sint res apud nos illorum cognomines (130. B. 131. A.). Id quum Socrates concessisset, sic de iis loquitur, quasi essent naturae separatae (καθ' αὐτὰ ὑφ' ἑστώτα), atque in hanc

88) diss. de id. Plat. p. 10. 11.

89) Cratyl. 439. D. E.

sententiam argumenta affert contraria. His comprobatis in eam adducitur Socrates sententiam, ut notiones eas in animo insidentes iudicet (132, B.). Contra quam quae a Parmenide dicuntur, haud magni videntur esse momenti. Redarguuntur enim sententia Platonis, quam tanquam suam aliis locis proposuit. Igitur ne hoc quidem loco idearum substantialitas (ut hoc vocabulo utar) confirmatur. Alius locus, qui in hac quaestione a plerisque praetermissus esse videtur, legitur in Timaeo p. 51, B. C. Commovetur ibi de spatii natura difficultas, qualis sit. Negatur, esse elementorum similem; nam ignis et reliquorum elementorum eam esse rationem, ut, quodcunque ex iis constaret, iis esset simile; sed quaeri debere, num ignis ipse, si a particulis et corporibus igneis discesseris, per se sit, naturamque habeat certam et constantem. Existere igitur quaestionem, utrum natura rei cuiusdam sit per se, an ea tantum vere esse iudicentur, quae percipiuntur sensibus, praeterque ea nihil. Quae si concedantur, habendum fore genus cuiusque rei nihil aliud quam notionem et definitionem (*λόγον*). Sed hac repudiata opinione affirmat, si intelligentiae (*νοῦ*) et verae opinionis (*δόξης ἀληθοῦς*) duo sint genera diversa, esse et haec rerum genera per se omnino (*εἶναι καθ' αὐτὰ ταῦτα*), ad quae cognoscenda non nisi mentis acies accederet. Nam in his generibus, quae semper sibi constant et sunt, inest omnis vera scientia, quae cognoscimus id quod est. Etenim quae opinione vera percipiuntur, eorum nulla est stabilitas et constans natura nulla, sed moventur perpetuo; propterea horum

nulla esse potest scientia. Concedendum est igitur, ut genera rerum sint per se et semper eadem (52. A.). Tam etsi vero genera rerum hoc loco esse per se docentur, tamen hoc, genera illa tanquam naturas alicubi vigere et esse, nullo pacto consequitur. Neque dissimilis est ratio loci in Philebo p. 15. A. B., ubi commemorantur *μονάδες ἀληθῶς οὐσαι*, quae neque oriuntur neque intereunt, sed semper sunt eadem, ut bonum, pulcrum et aliae. Hic si quis velit contendere, ideas esse naturas divinas, quae essent per se, is sane verba in hunc sensum detorquere possit, sed res ei parum cesserit. Obstant enim non modo loca alia, ab hac sententia aliena, sed et totius disciplinae ingenium et ratio.

§. 29.

Et vero vocabulis *οὐσία*, *ὄν*, *εἶναι* quid tum, quum de generibus rerum aeternis dicitur, significatur, ex iis, quae supra exposuimus, constat. *Οὐσία* enim, quam substantiam interpretari licet, non id, quod Plessingius et ante eum Platoniorum, Mystico-
rum, Scholasticorum natio voluit, significat, sed *essentiam idearum aeternam*, qua semper sibi constant. Neque negari debet, *esse* eiusmodi ideas *semper*, quamvis sint simulacra rerum; nam in mente, quae est aeterna et viget semper, quum insint, non possunt non esse sempiternae substantiae. Modo hoc caveamus, ne, quam nostri fingunt realitatem suam, Platoni obtrudamus. Etenim si praeter animum aut in rerum natura aut in coelo tanquam res essent, detrusisset Plato *οὐσίαν* in illud genus, quod, quoniam nunquam est, sed

fit perpetuo; *μὴ δὲ* vivere solebat. Nam quod plures et olim sentenderunt et affirmant etiam nunc pertinacissime, esse ideas extra coelum, quod oculis adspicitur, in orbe quasi collocatas, atque sic aeternum rerum mundum, in quo dii habitent et animi humani, antequam in hunc descenderint carcerem, efficere, id magis est, mythologiam fingere Platonice, quam tenerrare veram Platonice disciplinae rationem. In quo quidem mirifice sibi placent. Istas scilicet *qualitates absolutas* sunt et sua vi vigent; immo deus ipse nihil est aliud nisi qualitas absoluta boni. Quid? quod haec ipsa qualitas reliquas ideas quasi procreat et coniungit. Veruntamen haec ipsa optime repetuntur ab auctore huius mythologiae, Herbartio ⁹⁰⁾; qui quidem tam ante hos viginti annos totam de ideis controversiam composuisse et sustulisse sibi videtur. Quem si audiamus, non est tam Platoni ipsi, quam Aristoteli, Sexto Empirico, Ciceroni credendum, si quaestiones Platonice agitantur. Invehatur autem, licet, vehementissime in eos, quibus cum eo consentire non contigit. Est enim iste eius mos, quo in alios grassatur. Quominus autem ideas notiones hypostaticae intelligantur, quales commenti sunt Philo, Plotinus, Porphyrius, alii, librorum Platonice natura plane prohibet.

At, inquit, aliud habemus argumentum, gravis-
simum sane, quo idearum substantiam (*ὐνότατον*) defendere possimus. Sunt ideas principia et causae rerum, quibus nisi aliquid efficiatur, ne cogitari quidem

90) Lehrb. z. Eial. in d. Phil. p. 177 — 195.

intelligi. Agere autem non potest nisi res viribus praeditae. Igitur ideae viribus praeditae sua vi agunt. Id si quis dicit, hoc dicit, ideas, quae sunt genera in notione forma comprehensa, esse animos vel res animatas, quoniam notio nisi in animo insit nusquam, neque quidquam praeter eum agat aut efficiat. Num quis tam hebeti est ingenio, quia haec Alexandri commenta debere intelligat, ac toto animo reputet? Neque haec fuit Platonis mens, ideas rerum esse dicentis. Omnino enim indoctam rationem, quae de causis rerum disputatur, apud Platonem inesse sibi visi sunt isti, qui causis rerum et viribus et personas induerunt, atque universam efficientis rationem notionem pro ipsa causa vendiderunt. Quam intelligunt isti vim nisi naturam aliquam singularem res sui similes generantem? aut principium, a quo movendi initium fit? Quae qui affirmat, ille miras narrat fabulas. Fingit enim Platonem eundem ut ille, qui et antiquis temporibus et nostra aetate notionum rationes et causarum efficientium naturam pervertentes inaudita quaedam oracula esse tam ideas tum res etiam generantibus effudisse. Habent enim eiusmodi portenta hoc, quod proprium esse solet, ut res ab iis profectae inter notiones neque inter res ipsas referri debeat possint, sed ut in somniantibus fieri solet, ut modo illae convertantur, prouti sua quemque libido. Ac videtur propterea Plato inanem speculationem evitaturus tum demiurgum mundi etiam materiam posuisse. Id quod si ea, quam

modo significavi, ratio valeret, non facturus fuisse videtur. Quamobrem longissime a Platone recedere videntur, si qui eiusmodi substantias in illius disciplinam intulerint, praesertim quam in plurimis ideis ne levissima quidem actionis significatio inesse possit.

§. 30.

At obstat Aristotelis, idearum tanquam rerum per se vigentium substantiam oppugnantis auctoritas. Quae, si id docuisset Plato, summi foret momenti. Nec poterat ille, ut aiunt, ignorare praeceptoris de ideis doctrinam. Et videntur sane loca (Met. VII, 13. 14.) a Schulzio ⁹⁾ allata hoc sensu accipienda; sed videntur tantum. Etenim quae c. 13, leguntur, iis impugnatur disciplina Platonis sic, ut genera communia (τὰ καθόλου λεγόμενα) inter substantias (οὐσίας) referenda esse negetur. Id autem quum diceret, non hoc voluit Aristoteles, Platonem ideas temere fecisse substantias, sed istas substantias non posse cuiquam, qui rectam eius rei notionem conceperit, probari. Dicit enim substantiam subiectum (τὸ ὑποκείμενον), quod ex materia (ὕλη) et forma (μόρφη) in unam coalluit speciem (εἶδος), in qua inesse vult naturam et vim (quam nos dicimus *das Wesen*, ille τὸ τί ἦν εἶναι) unicuique rei propriam. In quo videtur latere notio *individui*, quod vulgo appellatur, sive *rei singularis*. Quae quidem sententia inesse videtur in iis, quae l. VII, c. 3. p. 106. l. 13. et c. 6 p. 111. l. 3. de substantia

9) l. l. p. 11. 12.

leguntur. Neque discrepat substantiae definitio, quam in libris de coelo (III, 1. p. 67.) propositam invenimus. Nimirum plurimorum locorum ⁹²⁾ ratio eo redire videtur, ut substantia sit res sive natura, quae separata ab aliis sit et agat. Atque hoc quidem sensu ideae Platonis substantiae dici non possunt. Quapropter alio sensu ille, alio Aristoteles ipsum hoc οὐσία vocabulum intellexit. Neque refutatio Stagiritae aliter est intelligenda nisi sic, ut Platonem reprehenderet, quod ideas sive genera rerum, in quibus praeter illud τὸ τι ἦν εἶναι nihil inesset, inter substantias retulisset. Etenim non esse consentaneum, quae omnibus essent communia, ea pro substantia habere. At vero ab hoc notionis sensu longissime Plato aberat, quum ideas appellaret substantias. Quibus quidem nihil nisi constantem et perennem naturae rationem attribuit, ut paulo ante docere studuimus. Quamobrem tantum abest, ut Platoniam rationem Aristoteles impugnet, ut nihil doceat nisi hoc, ideas illas non videri sibi substantias, quoniam illis, quas ipse substantiae tribuerat, notis plane carerent. Et recte sane; nam id Plato ne voluerat quidem. Maioris autem momenti est id, quod eodem loco (Met. VII, 14. p. 127.) additur, ideas concipi χωριστάς, hoc est secerni a rebus, in quibus inesse dicerentur. Veruntamen hoc ipsum vocabulum (χωρίς, χωρίζειν) non hanc habet potestatem, ut rem, quae ab aliis separata sit et agat, significet, sed videtur haec inesse vis, ideas a Platone poni, tanquam si es-

92) v. BRANDIS. in ind. edit. metaph. p. 353.

sent. præter res, cum quibus communicari dicantur. Quod quum dicit, non propterea naturas singulares appellavisse putandus est⁹³). Ceterum quantopere hæc Aristotelis sententia a doctrina Platonis de idearum substantia abhorreat, nemo non videt. Accidit igitur, quod necesse fuit accidere, ut, qui a doctrina ista prorsus recederet, is ne iusto quidem eam aestimaverit⁹⁴). Quare censendus est hic, non Platonice sententiam platonicæ impugnasse, sed propterea, quod a sua substantiæ notionē diacederet, reiecisset; id quod ne huius quidem invidendum. Proinde nec Herbartii morebatur quemquam debet ferocia, qui innumera adeo loca in libris Aristotelis invenisse sibi videtur, quibus substantia (realitas) idearum confirmetur⁹⁵). Cuius viri tantæ est in sua opinione tuenda fervor, ut veris falsa misceat, et fidem quasi interponat, se in ipsis Platonis libris legisse, ideas esse substantias. Legerit hoc sane et credat; invidere nemo; modo ista ratione aliis persuadere nolit, quæ ipse viderit, ea pro veris habenda esse.

§. 31.

Quæ quum ita sint, argumentis ab Aristotele allatis et reliquis virorum doctorum disputationibus nihil

93) Cf. de hac re TREND. p. 42—46. doctissimam disputationem. Recte is monet, Aristotelem in impugnandis ideis sibi non semper constituisse, neque unam constanter de ideis Platonis tenuisse sententiam.

94) TENNEMANN Syst. d. Pl. Ph. II, 136. sq. Gesch. d. Phil. III, 47—53.

95) I. I. p. 185.

nisi hoc perspicue intelligitur, nonnulla loca librorum Platoniorum, neglecto universae doctrinae ingenio, in hunc sensum accipi posse, ideas esse substantias, quas vulgo nominant, idque ut propemodum constanter fieret, Alexandrinorum levitate et negligentia accidisse. Sed utut haec sunt, philosophiae Platonicae ratio talem opinionem pati nequit. Teneamus ergo hoc, quod unum idoneis argumentis nititur, ideam esse substantiam sive naturam auiusvisque rei aeternam et constantem. Quae quidem propterea, quod vere est, *obola* recte dicitur. Est ea in mente, neque potest, quum notio et cogitatio sit, esse praeterquam in animo. Nec desunt, si testium auctoritate rem confectam velis, testimonia Ciceronis⁹⁶⁾, Pseudo-Galeni⁹⁷⁾, Pseudo-Plutarchi⁹⁸⁾, Longini⁹⁹⁾, immo etiam Aristotelis¹⁰⁰⁾, qui no-

96) Cic. orat. 3. *Has rerum formas appellat ideas — Plato easque gigni negat, et aut semper esse, ac ratione et intelligentia contineri: cetera nasci, occidere, fluere, labi, nec diutius esse uno et eodem statu.* Quibus cum verbis cf. ea loca, quae supra laudavimus. Ex quibus constare putamus id, obiter inspexisse Herbartium libros, quorum auctoritate confidenter niti solet.

97) Galeni hist. phil. c. 6.

98) Plut. de placit. phil. I, 10.

99) Duos a Longino de ideis scriptos esse libros, alterum ad discipulum Porphyrium adversus rationes Plotini, alterum adversus ipsum Porphyrium, quum Plotinum sectatus Longini praeceptoris doctrinam deseruisset, testatur Porphyrius in vita Plotini. Cf. de ea re Ruhnken. dissert. de Longino. Opp. t. I. p. 526. ed. Lugd. alt. Iam si coniectura in hac re niti licet, credibile est, Longinum idearum substantiam, quam Plotinus tuetur, impugnasse, et quidem propterea, quod integram Platonis sententiam ista philosophia cor-

strae sententiae calculum adficiunt. Veruntamen est in hac causa auctoritatis momentum omnino nullum, quum in vulgus constet, summorum virorum sententias et a sectatoribus et ab adversariis in varias partes trahi solere; neque nominibus sed argumentis in eiusmodi quaestionibus est pugnandum ¹⁾.

§. 32.

At vero si ideae ex rerum, quales cum Aristotele multi induxerunt, ordine eximuntur, potestne fieri, ut nihilominus pro rerum genitarum principii et causis habeantur? At docuit Plato, rerum causas (*αἰτίαι*) esse ideas. Quod quo sensu dixerit, primum est explicandum. Atque causarum (*αἰτίων*) apud Platonem duplex est genus, alterum liberarum, quae insunt in mentis cogitatione, qua, quum idea rei cuiusdam effingitur, consequitur hoc, ut res

ruptam nolle. Huius autem viri videtur tam sublime fuisse ingenium, ut in hoc genere multum ei tribui posse arbitrer.

100) Aristot. Phys. III, 4. p. 48. de infinito tanquam principio rerum disputans Pythagoreos cum Platone componit, de quo haec scribit: Πλάτων δὲ ἔω μὲν (τοῦ οὐρανοῦ) οὐδὲν εἶναι σῶμα, οὐδὲ τὰς ἰδέας διὰ τὸ μηδέ ποῦ εἶναι αὐτάς. Cf. Tenn. p. 45. Nec tamen minimum his Aristotelis verbis tribuerim, quum sibi haud admodum in examinanda doctrina Platonis constet.

1) Schleiermacherus in praefatione ad Phaedonem (p. 15.) eandem, quam nos sententiam de ideis ex libris Platonis repetitam defendit; neque omittendus est Tennemannus, qui tametsi permulta ad Kantii sententiam detorsit, multa tamen in Platone recte et docte explicuit. Cf. Syst. d. Pl. Ph. II, 127—153. 303. 304. III, 12.

ad eius exemplar efficiatur; alterum necessarium, ad quas referuntur res naturales propter vim ac naturam suam necessario agentes, et sui simile aliquid generantes ²⁾. Quo causarum nomine quum ideae appellantur, non sunt corporum instar causae, quarum effectus non potest non alia res existere, sed eae causae intelligendae, quibus, si mens eas in consilium adhibuerit, res, ut sunt, sic fieri necesse est. Formam igitur ac naturam suam idearum beneficio res nanciscuntur; neque hoc idearum actione nescio qua evenit, sed mentis et animi vi et virtute, praeter quem notiones solae et per se non modo agere quidquam, sed ne esse quidem possunt ³⁾. Quapropter in ideis causa non existentiae sed essentiae sive substantiae rerum posita est, quae etsi exstiterent nunquam, tamen forent ideae sempiternae; id quod in causis physicis et necessariis, in quibus alterum sine altero non est, accidere nequit. His enim quidquid efficitur, id necessitate gignitur; quo fit, ut eiusmodi causae non vere sed abusu causae appellentur, quum potius *ξυναιτία* (Polit. 284, E.) vel ea, sine quibus causae sit nulla vis (Phaed. 99. B.), dici debeant. Tametsi vero causis rerum ideae annumerantur, tamen principium sive prima rerum causa aut origo (*ἀρχή*) nunquam dicuntur. Nam principii est haec natura, ut sua sponte agat, et moveatur suo

2) Cf. Phileb. 26. E. sq. Tim. 46. D. E. Phaed. 100. B.

3) Tim. 46 D. E. τὸν δὲ νοῦ καὶ ἐπιστήμης ἰρρασιῶν ἀνάγκη τὰς τῆς ἐμφρόνους φύσεως αἰτίας πρώτας μεταδιώκειν, ὅσαι δὲ ὑπ' ἄλλων μὲν κινουμένων, ἑτέρα δ' ἐξ ἀνάγκης κινουμένων γίγνεται, δευτέρως.

arbitrio (Phaedr. 245. C. seq.); quod quam notioribus generum nullo pacto sed naturae animatae soli tribui possit (ibid. E.), principium, quo rerum universitas est generata, animas indicandus. At vero in Rep. VI, 508. E. 509. B. ἡ τοῦ ἀγαθοῦ ἰδέα et τὸ ἀγαθόν appellatur rerum principium. Quod ne de idea vel notione boni dictum putemus; obstat et loci ratio et, quod gravior est, idearum natura. Haec boni idea et res, quae cognoscuntur, veritatem (ἀλήθειαν), h. e. ut verē sint, et menti cognoscendi vim tribuit, scientiaeque et veritatis cognoscendae est causa. Quid, quod maius et augustius est ipsa scientia et veritate. Nam quemadmodum sol facit, ut gignantur res, crescant et vigeant, sic *Bonum* illud, non solum ut cognoscantur, sed ut sint adeo (εἶναι) et suam naturam (οὐσίαν) habeant res, efficit. Etenim ipsum Bonum non est certa quaedam natura (οὐσία), sed superat etiam essentiam (οὐσίαν) maiestatis et potentiae. Quae si de idea sive notione aut forma boni dicta sunt, inepte dicta. Sustulisset enim is, qui diserte, hanc esse idearum potestatem, ut per se quidquam agerent, negasset, suam doctrinam omnem. Nimirum animo, quicquid fit, efficitur, non ideis. Itaque vel ex eo, animatam aliquam naturam eandemque bonam significari, verisimile est. Praeterea cogitari nequit, unam ex idearum genere reliquas ideas et res etiam ex se generasse; quod quomodo fieri possit, omnem ingenti aciem effugit; si quidem hanc esse notionum generationem constat, ut aut a summis rerum generibus descendendo formas et species rerum et singula denique generibus subiecta

assuescunt, aut a singulis exori ex his inter se et cum generibus proximis compositis ad genera denique summa perveniamus. Aliam autem atque ab hac diversam portionum originem etiam Plato esse voluit. Neque igitur eadem boni idea, si modo sit idea, adeo potest legibus et essentia (*οὐσία*) ceterarum esse exempta, sit iisdem legibus et subit et non pareat. Accedit, quod ea dicitur *ἀρχὴ ἀννόητος* p. 510. B. 511. B. VII, 517. B. C., quod alias de ideis plane non legitur. Quae quum sic se habeant, non possum non principem totius rerum universitatis et essentiae et cognitionis causam intelligere, qui nisi sit Deus, nescio an alius sensus horum verborum idoneus eratur nullus. Sed tamen *ἰδέα, καὶ ἀννόητον* non appellatur *θεός*. Nihil refert. Idea non solum essentia sed etiam natura essentia aeterna praedita a Platone intelligitur 4). Quamobrem et deum, cuius natura et aeterna est et perfecta, ideam appellare potuit. Etenim ipsa haec boni idea, quum sit perfectionis et absolutionis unum exemplar, praeter se esse non potest, et est ideo in deo sive ipse deus, qui non habet in se boni ideam, sed est ipsa boni forma, quum neque essentia neque scientia perfecta cogitari possit separata. In hac autem consistere bonitatem, hoc est naturam divinam, non est, quod uberius persequar. Qui quidem deus si *ἐν αὐτῷ τῆς οὐσίας* esse dicitur, recte id fit; etenim natura eius adeo est perfecta et consummata, ut cum reliquarum idearum natura componi plane nequeat. Ac ne summa

4) Phaedr. 245. A.

quidem orationis aut substantiae aut maiestate digne hanc divinae naturae bonitatem praedicare possumus. Sic omnia in hoc loco inter se conveniunt, neque, si quid vides, ambiguitatis quidquam relinquitur 5).

§. 33. *Idem est sensus*

Iam vero, quo sensu Plato causas rerum in ideis positas accepit, ambiguum esse nequit. Etenim hoc quum ponitur, causam effectui esse priorem, ut sui aliquid simile gignere, ideae, ut quae materiae resum propter immunitatem materiae sint dissimiles, non possunt esse nisi *παρὰ τὴν φύσιν* *ἢ ὑπὸ τὴν φύσιν*. Quorum similitudinem quum auctor ille divinus in considerando mundo exprimeret, effecit corpora omnia, quodam sine in tanta materiae ruditate fieri posset, idcirco similia et perfecta. Atque haec quidem fuit causa, propter quam mundus tanto ordine, tanta pulcritudine et in omni motu constantia, tanta denique varietate distin-

5) Cf. STALLBAUM de hoc loco disputationem praestantissimam ad Philib. prol. p. 87 + 91. Ad quam adici posse videtur hoc, bonum quum dicitur de deo, non esse de bonitate aut honestate, qualis in moribus hominum perspicitur, cogitandum; quae si ad ideam bonitatis refertur, non est nisi perfectionis summae exemplar et imago. Abest enim ab indigentia naturae nostrae id, quod summum est putandum, essentia perfecta; quam graeco vocabulo *ἀβράκη* dicimus. Hanc autem a forma et specie boni disjungi non posse, viderunt, ii, qui argumenta, quibus deum esse ostendebatur, peracuti sunt. Neque propterea Kantius est probandus, qui omnem ontologici argumenti vim infringere et evertere conatus est. Cf. GLO. E. SCHULZII *encyclopaed. phil.* ed. III. p. 75. sq. et BOUTEFLUXII librum egregium: *d. Rel. der Vernunft* p. 253. sq.

gueretur; unde decoris et mundi (κόσμος) nomen accepit. Exemplar nimirum est divinae naturae et perfectionis ⁷⁾. Qui quidem quod tamen longissime a divinae imaginis pulcritudine abest, non deo id est vitio vertendum, sed male temperatae materiae, cuius perturbatio vix lege et forma in ordinem redigitur ⁸⁾. Est igitur rerum natura imitatio aeternarum idearum (ὁμοίωμα, μίμημα) ad exemplar illud expressa. In Parmenide (p. 132. D.) τὰ μὲν εἶδη ταῦτα ὥσπερ παραδείγματα ἰστέον ἐν τῇ φύσει (Heindorf. ἐν omisit), τὰ δὲ ἄλλα τοῖς τοῖς εἰδέναι καὶ εἶναι ὁμοιώματα a Socrate sumuntur. Quod a Parmenide sic refutatur, ut ex ea opinione notiones rebus, quae his similes factae sint, inesse et plane easdem ut illas cogitandas esse doceat. Quo fieret, ut non simile simili sed idem in eodem, itaque a se non diverso inesset. Ac nisi nimia huius loci obscuritas me decepit, eveniunt haec tunc, quum simulacrum notionis (παράδειγμα εἶδους) tanquam natura aliqua, quae per se est, a re simili excipitur et secum copulatur. Quare lectio ἐν τῇ φύσει, quae vetusta et vulgata est, verior altera τῇ φύσει videtur. Namque non suam nostram sententiam de idearum et rerum ratione proponit, sed perperam ab aliis quibusdam intellectam, qui arbitrati essent, in ipsa rerum natura illa notionum universarum simulacra tanquam formas conspici. Quod quum proxime ad veram Platonis sententiam accederet, sustulit lector aliquis, qui suam a

7) Tim. 28. 29. 30. A. Rep. X, 596. A—E.

8) Politic. 269. D. sq. Phaed. 74. A. sq.

philosopho hic expressam doctrinam pateret, illud autem
tandem a veritate alienum, et sic resiliit ex parte
genuinam nostri rationem. Sed obstat etiam vocabu-
lum *ἐκείναι*, quo, nisi fallor, praeter hunc locum de
ideis nusquam usus esse videtur. Non sunt ergo in
rerum natura vel in mundo vel extra coelum idearum
quasi effigies, sed in ipsa mente divina, et quam ex illa
delibatam novimus, humana insident.

§. 34.

Finis autem communis et idearum et rerum
genitarum quae tandem est ratio? Similitudine quidem
ad ideatam naturam accedere corpora constat; at ad
ipsam quomodo accipiendum sit, vix intelligitur. Ni-
hil enim impediret, quin etiam cum corporibus ideae
communicarentur, si utriusque generis eadem esset
ratio ac natura. Nunc ideae materiae plane expertes,
materia per se forma et specie omni privata. Haud
igitur facilis erit ad explicandum, quaecumque inter
eas res intercesserit societas.

Et primum quidem tenendum hoc, ideas ipsas
in corporum generibus non reperiri; nam si praecipue
hoc, corpora aut esse animos cogitantes, aut sine co-
gitatione notiones tamen in se complecti. At utrum-
que absonum (Parmen. 132. C.). Neque vero similitu-
dine perfecta corpus ideae particeps est, ut ipsam ideam,
qualis est, talem plane effigie expressam reddat (Par-
men. 132. D. E.). Etenim separata est idearum et
corporum natura, et ad suum genus utrumque refer-
tur, corpora ad corpora, ad ideas ideae (Parmen. 133.

C. D.). Sed esse tamen debet aliqua inter haec utraque communio, si quidem apud nos sunt pulcra, honesta, bona (Phaed. 100. D. οὐκ ἄλλο τι ποιεῖ αὐτὸ καλὸν ἢ τὸ κρείττον καλῶ ἢτε παρρησία ἢτε κοινωνία).

Quas difficultatum tenebras ut dispellamus, necesse est redeamus ad ea, quae supra exposita sunt. Sunt ideae, ut iam hoc, quod saepe diximus, iterum repetamus, in natura sive divina sive humana, eademque aeterna. Adhibuit eas tanquam imagines, ad quas componeret omnia, auctor ille mundi, et materiae generibus, et numeris distinctae laeve quoddam idearum simulacrum impremit. Quo factum est, ut suam naturam et eam constantem hic rerum ordo nancisceretur. In quo quidem ordine hic illic lumina quasi divinas perfectionis elucent, quae sensuum contemplatione animadversa, et ad genera sua ex singulis ac dissitis notis colligendo relata, animum earum, quas ipae vidit ante, quam in hunc carcerem demitteretur, veritatis formarum commonefaciunt. Sic ille, qui vera novit, per imaginum umbras in mundo nobis occurrentes ad memoriam verae essentiae excitatus, dialectica commentatione angustam veri imaginem quasi exsculpit, animoque intuetur (Phaedr. 248. B—D.). Quodsi igitur res humanas μεταίχσιν, κοινωνεῖν, μεταλαμβάνειν idearum multis locis²⁾ dicuntur, id, quoniam earum sunt similes factae, rectissime se habet. Neque audienda est propter-

²⁾ Phaed. 101. C. 102. B. et Wytenbach. ad h. l. p. 266. 270. sq. Ceterum et Philob. 16. A. B., cuius loci difficultas hac nostra idearum ratione patenter hanc videtur.

ea reprehensio Aristotelis, Platonem hoc nomine acerrime exagitantis. Dicit enim Met. I, 7. p. 23. lin. 24. τὸ δὲ λέγειν παραδείγματα αὐτὰ (τὰ εἶδη) εἶναι καὶ μετέχειν αὐτῶν ἅλλα, κενολογεῖν ἐστὶ καὶ μεταφοράς λέγειν ποιητικῶς. τί γάρ ἐστι τὸ ἐφαζόμενον πρὸς τὰς ιδέας ἀποβλέπων; et paulo infra p. 24. lin. 8. ἐν δὲ τῷ Φαίδωνι οὕτως λέγεται (Brand. λέγομεν), ὅς καὶ τοῦ εἶναι καὶ τοῦ γίνεσθαι αἰτία τὰ εἶδη ἐστὶ καὶ τῶν εἰδῶν ὄντων ὁμῶς οὐ γίγνεται τὰ μετέχοντα, ἀλλὰ μὴ τὸ κινῆσον. Illum autem motus auctorem, qui ad ideas rerum multitudinem effluxit, cum Platone deum intelligimus, si quidem ad praecepta, quae in Phaedone, Politico, Philébo, Republica, Timaeo exposita leguntur, non temere respicimus. Similiter in libris de Generat. et Corr. II, 9. p. 48. lin. 21. desiderat causam, qua generatio rerum ex Platonis sententia efficitur. Neque enim in ideis neque in rebus ipsis motus causam reperiri. Quae si quis accurate consideret, potest fieri, ut hanc proponat sententiam. Non fuisse praecepta Platonis reprehensurum Aristotelem, si deum omnium rerum auctorem ab isto dici intellexisset. Platonem vero generationis causam in solis ideis non in deo posuisse; ideo ab Aristotele iure accusari. Veruntamen haec non sunt ita comparata, ut nostram sententiam infringere possint. Etenim motus causam Aristoteles ponit aeternam, eamque in ipsis rebus inesse vult (Gen. et Corr. II, 10. 11.); praeterea mundum docet esse aeternum. Denique igitur a causis naturalibus removet. Neque ad primam generationis et creationis causam, quam in idea boni positam arbitra-

hatur Plato, respexit, quum haec adversus illum diceret. Manet igitur, quidquid contradicat Herbartius, hic Platonicae disciplinae sensus, ideas et genera rerum principia et causas esse eorum, quae existerunt aliquando, deum autem esse omnis motus auctorem. Sed neque in hoc genere ab uno numine originem habet motus omnis, sed est etiam materiae quaedam aeterna mutatio et inconstans perturbatio. Atque in hac parte videri doctrinam Platonis esse minus constantem, nemo quicquam infutabitur.

§ 34.

Est enim hic locus insidiosissimus ac paene odiosus, ad quem delatum me esse sentio. Idearum enim et rerum genitarum rationes explicare nihil est aliud, quam divini numinis et mundi mutnam necessitudinem aperire, quum fieri non possit, ut a natura divina idearum genus separetur. In hac autem causa sive creatum esse a deo mundum contendas, sive cum Aristotele aeternum esse sumseris, idem futurus est finis, atque exitus quaestionis, *Pantheismus*. Aut est deus, neque est praeter eum quidquam, aut est materia per omne rerum genus perfusa, neque praeter eam numen aliud divinum. Utraque par est ratio; quocunque enim modo rem aggrediaris, sive ponas, esse deum, et mandum ab eo distinguas, sive neges, perinde est; emerget ubique divini generis notio, atque ingeret sese in omnem disserendi rationem. Aut quia est deus (ut ita dicam) aut nihil. Quapropter duplex nasci potest philosophiae ratio, altera panthei-

stica, atheistica altera. Illam tenuerunt ii, qui statim in mundo inesse, vel praeesse rerum universitati sibi persuaderent, alteram, qui, quam naturae et materiae tribuissent universa ac singula, nihil, quod deo immensolinguere possent, habebant. Atque ad hoc alterum philosopharum genus referendum esse Aristotelem, arbitrari ille coartat, quem introducit in aeternum, et ex hoc mundo, deus, si accurate eius vim ac naturam perspenderis, planè est immunis atque otiosa. Quid enim sibi vult in mundo, in quo, quod agere possit, reperitur nihil? Contra sit in Platone. Qui quidem a deo originem ducere omnia, neque quidquam nisi de deo beneficio moveri aut existere, perspicue docet. A. locus enim in Protagora (322. B.), Politico (272. E.) et Alcibiades, nullus est, in quo non praesens ubique deorum numen et auxilium commemoretur. Est enim deus in mundo, et quasi per corpus undique intentus mundus (Phaed. 109. B. — 114. B., Leg. X. c. 896. B.) cuius vi et potestate concevit olim haec rerum semibus subiectarum universitas. Mundus autem est animal animans, ratione praeditum, et unum, quod ad exemplar illius perfectissimi animalis divini existit, quod omnia animalia, cum genera tum singula, in se ipso comprehendit. Animalia (*ζῷα ἅπαντα*) intelligit naturas, quae ratione et intelligentia corporis sive formae, qua inclusae sunt, moderantur. Quae quidem si in summa illa natura animante, quae supremum et augustissima est ex omnibus, inesse dicuntur, sunt haec

9) Met. I XII. TREKEMANN Gesch. d. Phil. III, 240. 245. 246.

earum intelligibilis (ὁρατὴς οὐρανόθεν), quas sive animas sive
 ideas dixit, pertinet est. Sunt enim hae divini illius
 mundi tanquam partes (Tim. 30. 31.). Ex hac ma-
 teria, quae individua est et sui similis, et ex ea, quae
 corporibus individua gignitur, tertium materiae genus
 ex duobus in medium admiscuit, quod esset eiusdem
 naturae, et quod alterius; idque interiecit inter indi-
 viduum atque id, quod dividuum esset in corpore.
 Ex his tribus in unam speciem temperatis mundi con-
 fecit animam, quae quum se ipsa duplici et in adver-
 sum directo motu circumplecteretur, tam aeterna et
 sub intelligentiam cadentia quam ea intelligit, quae in
 sensus incurrant (Tim. 35 — 37.). Quae anima est
 non diversa ab ipso mundo; rotundo et omnes stella-
 rum et corporum motus complexo? Ac quomodo ab
 ipso deo distinguitur, qui et continet ac dirigit mun-
 dum, et intentus est tanquam praesens ubique vis et
 potestas per mundi orbem? Denique quomodo differt
 ipse huius mundi rector ac domina ab animo humano,
 in quo pariter atque in illa temperata est individua et divi-
 dua materia? Et ipse deus summus et mundi opifex num
 distat ab opere; an insidet ille in medio et summo
 mundi loco, non ille quidem conspicuus ullo loco,
 sed non minus extremo orbe ambiens rerum et aeter-
 narum et generatarum universitatem, quam intus in
 se ipso volvens orbem, dispari quidem sed ad pro-
 portionem composito motu, et sic divinam omnique
 sapientia laetissimam vitam agens? Dissuxerunt qui-
 dem multi, atque abesse a mundi inconstantia et per-
 mutatione voluerunt, locum *ἀνεκχώρητον* commemo-

ranpes, qui tamen, si agerent ea quae in Phaedro et quae in Timaeo de coelo leguntur, inter sese comparerent, non potest alias, intelligi nisi illud deorum et naturarum divinarum domicilium, quod, quoniam a sensibus et corporum rationibus hae naturae absunt longissime, non est in illo loco, sed omnino nusquam. Etenim a mentis intelligentiaeque rationibus aliena est loci et spatii natura.

Veruntamen haec, quae tetigi, et fortasse propter nimiam quaestionum in me irruentium vim abhinc sane doctissime tetigisse videor, non eo consilio commemoravi, ut disputationem de iis abolverem, aut interponerem certam et definitam sententiam. Nihil volui nisi significare, quaestionem de fabrica mundi et de ratione divinarum humanarumque rerum cum hac, quam hac usque perduxī, quaestione de ideis intime esse conjunctam, neque fieri posse, ut quis difficillimum hunc locum explanasse sibi videri debeat, nisi si hanc rem docte et perspicue illustraverit. Etenim ut opinione defuget, quam in praesenti neque persequi rem uberius, neque sententiam argumentis confirmare possim idoneis, videtur mihi quidem Plato non magis quam veteres philosophi Ionici et Eleatici a Pantheismo abesse, licet neque disertis verbis hanc sententiam proponat, neque studiosè contradicant. Nihil autem erat, quod hanc opinionem a sese amoveret antiquitas. Mundum enim intelligere naturam ratione praeditam, in qua, tanquam in corpore animus, sic divini numinis potentia et sapientia vigeret, non poterat absonum videri ei, qui singulis mundi partibus tam maximis tam minimis

animorum vim de natura scilicet ac profectum. Quorum animorum actio et vita si ad unum concentum composita credebatur, tum id potuit aliter fieri quam divinus spiritus, qui contineret omnia, beneficio? Neque tamen putandum est propterea Plato in unum omnia confusuisse; discrevit enim materiae crassitudinem et molem a rebus divinis; neque ullam, quod ante eum commiserant plurimi, formam deo et ideis attribuit; id quod Tiedemannus¹⁰⁾, quem in hac re plurimum doctissime exposuisse puto, non recte ex nonnullis locis efficit. Neque is est Plato, quem dedita opera Pantheismi docuisse arbitror, defendit enim, ut praeter eum nemo, Theismum fortissime. Sed necessario ad illorum doctrinam, qui in omnibus ac singulis rerum generibus divinum aliquid perspicere se opinabantur, delatus est. Quam doctrinam si non est persecutus, ut universis singula responderent, factum esse puto ea de causa, quod non constanter ut Parmenides solam mentis intelligentiam sequebatur, sed continuum etiam humanitatis sensu duci sese patiebatur. Qua quidem ratione accidisse puto, ut vulgorem Pantheismum et eum magnopere spernendum non admitteret, defenderet autem subtiliorem quendam, quo neque communis animi conscientia neque honestatis rationes laederantur. Quod si quis disciplinae rationem huius meae opinioni obstat dixerit, is expensis omnibus disciplinae momenti defendi eam non posse, demonstrat. Effectuum autem esse aliud nisi hoc, non constare sibi Pla-

¹⁰⁾ *Geist d. spec. Ph.* II, 116. sq.

tonem; quum humanum genus a diis secernere studeat, vix sperare ausim. Habet enim hoc omnis antiquitas, ut philosophando ad Pantheismum, denique perveniret; neque ulla fuit philosophorum familia, quae hunc scopulum evitare posset. Quid? quod nostra adeo aetate ii, quorum institutioni inhiant docti et indocti, nullam invenerunt aliam nisi hanc ipsam doctrinam. Nimirum videtur haec esse fatalis philosophiae necessitas, ut in exquirendis rerum causis et principijs aut omnia a deo repetere debeat, aut ab eius vi et auctoritate plane recedat, eumque ad sapientiam suam non adhibeat, nisi tunc, quum in impertienda felicitate illius auxilio opus sit, aut denique, postquam de intelligentia societatis inter divinum et humanum genus desperatum sit, disrupto magis quam soluto nodo fiduciam fide restituat. Quamobrem quum Pantheismi rationes nec a Platonis sapientia plane abesse dico, ne quis hoc impie a me dictum putet. Sunt enim, qui propter concordiam verbis non rebus philosophiam metiantur, qui quum verba horreant, res non admodum subterfugiant. Neque tamen, si divini viri mentem recte peroeperit, Schellingii aut Hegelii, quod puerime persuadere nobis quidam ausi sunt, similem dixerim; neque id concedi posse arbitrer, ut quis Spinozae aut Schellingii praecepta ad eum explicandum adhibeat. Verum enim vero expectandum est, donec Boeckhius, cuius in hoc genere summum est acumen, Timaeum Platonis illustraverit. In quo quidem opere, quo discesserit longius a Schellingii vertigine, eo ad veram Platonis intelligentiam propius accessisse putandus erit.

Omnino autem velim, eum, qui in hanc Platonis de deo et mundo doctrinam inquirere coeperit, procul habere nostra de deo praecepta. Nihil enim fieri potest infelicius, quam ut puriorem recentioris aetatis intelligentiam ad initia illa studiorum philosophiae transferamus. Sunt illa Platonis praestantissima, sunt divina, ut quae nemo neque superare neque etiam assequi possit. Sed suo loco, suis rationibus sunt existimanda, neque committi debet ullo pacto, ut quis singula ac dispersa sapientiae lumina, quae sibi quidem probata fuerint, colligat atque ex his veluti systema contectat. Quod cum ne ipse quidem Plato voluisse videatur, nec nobis id concessum arbitremur.

Deum, ut iam ad hoc redeam, unde paullulum digressus sum, duplici modo informasse videtur Plato. Altera ratione tanquam universum rerum divinarum et aeternarum genus sive tanquam naturam divinam, quam non, sicuti apud nos fieri solet, veluti personam quandam finxit, sed tanquam boni summi naturam. Ad hunc deum pertinet, in hoc continetur, quidquid est a materiae mole et inconstantia alienum, quod, quum neque mutetur aut generetur, est aeternum. Ex hoc genere sunt ideae, quae τὸ ἰδίον et aliis nominibus, uti supra docuimus, appellantur. Neque tamen haec cogitandae sunt, tanquam si sint naturae per se vigentes, sed ad communem divinae naturae materiam (ut hoc vocabulo quanquam invitus utar) referuntur. Sic in deo insunt ideae. Etenim, si quis mihi illud obiciat, deum esse naturam animatam,

non, nequebo, sed tamen tamen hanc mentis consecra-
 ram. Neque videtur, ab illorum temporum dignitate
 abhorrere, talem sententiam in illis libris libere dispo-
 sitam putare, qui a Parmenidis subtilitate et communi
 illius aetatis disciplina ad haec quaestiones tractandas se-
 contulisset. Ab altera vero parte, fieri non potuit,
 ut omnem personae (quam nostro more disimus) indi-
 cationem ab intelligentia, potentia, beatitudine separa-
 disiungeret, quum legibus rationis humanae non con-
 sentaneum videretur, suspicere, colere atque imitari
 virtutis naturam aliquam esse, eandem, eandem et omni sen-
 su et ratione carentem. Quocirca quum naturae in-
 stitutione quadam ad hanc propensi animus sententiam,
 ut deum humanae naturae similem concipiamus, totum
 Plato animum animaeque virtutes deo optimas et sum-
 mo attribuit. Neque id facere non potuit. Quo fac-
 tum est, ut, quum ab altera parte ad christianae sa-
 pientiae sanctitatem accederet, ab altera longe ab illa
 distaret.

Quae quum ita sint, discrepantia illa, quae esse
 videtur inter deum et mundi animam, ab hac duplici
 ratione proficisci potuit. Finxit deus materiam, ordine
 et lege disposuit, divinae naturae partem ei admiscuit,
 quo tanquam animo mundi corpus regeretur. At, vero
 in mundo, praeter quem est nihil, inest divinum nu-
 men. Quod dividi nequit. Ergo intenta videtur vis
 et potentia divina per totum mundum, atque nullo loco
 excluditur.

Hanc, quae mihi quidem videtur esse aliqua, dis-
 sensionem ut tollerem, atque singula inter sese con-

cinnaremy laboravi multum et strenue. Neque vero potui. Rogo igitur viros doctos, in quorum mantis hic libellus incidit, ut ne levitatem meam in hac causa accusent, quod re nondum explorata scribere de ea susceperim. Utar excusatione humanitatis, in quam vix videtur cadere, ut, quae quis animo divinaverit vel diligenter commentando assecutus sit, omnibus numeris absolvat, et finem studiorum suorum nanciscatur, in quo acquiescere possit.

Ceterum quantum his meis studiis ad disciplinam Platonice intelligendam contulerim, viri docti indicabunt. Nunquam vero hanc studii rationem plane desorsum, quam et fructus in ea insit tantus, quantus ex aliis rebus vix capiatur, et nisi ad philosophandum historiae philosophiae adhibeatur, haud multum in his litteris profici possit. At vero quam in hoc genere proclivis sit error, quam difficilis veritatis inquisitio, quam impedita tum a rebus tum ab oratione doctrinae Platonicae expositio, quantaque vel in summa diligentia opus sit cautione ac prudentia, id non est, quod iam doctos viros moneam. Ipsi enim ex his, quae aliis vel accuratius distinguenda vel subtilius definienda a me reliqui oportuit, quam longe intra consilii fines substerim, intelligent.

